

鬼鄉遺稿

卷四至六
附錄



槐卿遺橐卷四

書牘

石埭沈衍慶著

道光二十六年

覆吳中丞札查拏獲邪匪情形書

敬稟者奉本府行奉憲札以訪聞有種邪匪將水果點心之類暗藏毒藥故置路旁有人拾食卽發病死飭卽察訪查拏勿稍疏縱亦勿稍涉張皇該縣前有獲犯之事一面據實稟覆等因奉此遵查卑縣前於閏五月十四日據縣民胡達從等喊稟傳聞浙徽有等匪徒裝作商買買賣身藏食物置毒誘食貽害幼童之事本日伊在城外戲場遇賣印花布疋二人面生可疑當在身上

槐卿遺橐

卷四

書牘

一

搜出香藥恐係匪類送案訊究等情到縣當經職查驗香藥內有麝香兩小塊末藥兩包提訊一名何冠羣一名魏九青均河南汝甯府正陽縣人復經隔別研訊據何冠羣供稱伊與魏九青並同縣人李老三向在漢口吳城夥賣印花布生理李老三尙有十歲之子名更新帶學貿易本月初間在吳城聽聞饒州賣布獲利欲來售賣初三日李老三因貨不足往漢口販布屬伊與魏九青李更新將前販之布先行來饒銷賣十一日到郡寓北門內陳悅來飯店連日伊與魏九青在城賣布李更新在店看守本日伊與魏九青攜布同往城外銷售

由戲場走過忽有多人喊說伊是匪類向前扭住搜出身帶解汗香藥一併送案實無爲匪不法情事李老三不日來饒可以質訊等語魏九青供亦相同隨卽親詣陳悅來店搜查何冠羣等行裝均無違礙物件形跡提訊李更新供與何冠羣等無異陳悅來供稱何冠羣等三人於十一日歇住伊店每日何冠羣等在外賣布李更新在店看守委無別情當將香藥飭令何冠羣等當堂試食兩次無恙一面確訪卑縣境內從無被匪貽害情事旋於十八日李老三販布來饒投案質訊各供如一質之胡達從等僉供懷疑誤稟並無別故查胡達從

槐卿遺稟

卷四

書牘

二

等因傳聞外省有匪滋害輒以異籍貿易之人身帶解汗香藥疑爲邪匪送案旣經職先後隔別研訊又復查驗行裝均無別情並將香藥飭令兩次試食無恙其非毒藥可信其非邪匪更無疑義當將何冠羣等開釋以免無辜拖累伏思前項匪徒雖無破案明文而旣有傳聞必非無因而至自應防範查拏務期有犯必獲但傳聞此匪或冒稱僧道或假作商賈行跡靡定查拏不易非若有破案明文者有姓名籍貫可稽有匪蹤劣跡可查凡有往來行旅及小賣營生者幾乎良莠莫辨若訪察未周固易疏縱而查拏稍有不慎如何冠羣等之獲

案搜查雖訊明卽釋已屬無端受累况差役地保以及鄉鎮地棍藉端訛索是其慣技難保不捕風捉影混行搜訛致令商民驚擾尤不可不加意防維當經嚴諭差役人等務須嚴密稽查如訪有蹤跡設法籠住稟明本官親詣督拏或查有確據或被害有人始准當場獲送毋許捕風捉影藉端滋擾各在案茲奉前因除再選派妥幹差役加意密訪查拏無縱無擾以期有犯必懲外合將查訊前獲人民並現在密查緣由肅稟鑒核

覆吳中丞請疏銷緩限書

敬稟者淮鹽額引上關 國課當此庫欸支絀之日尤

槐卿遺稟

卷四

書牘

三

係要需稍有天良孰敢不力求疏銷仰慰憲廛而無如縣與例食粵鹽之額屬接壤連疆透漏甚易白羊坳坵兩卡員弁非不認真堵緝然利之所在趨之若鶩有向來人跡不通之處悉爲私販之所經此拏彼竄詭秘多端職查詢民間粵私大夥尙少零販爲多緣肩挑背負需本有限而獲利較厚銷售較速錐刀之末民盡爭之無怪其履湯蹈火而不顧也私鹽質潔價賤而勛兩常贏淮鹽色黑價高而勛兩常絀已有兩不相敵之勢况私鹽沿村踵門隨時可以賒取或穀物交易日用甚便官鹽局設城中窮鄉僻壤轉運維艱且非現錢不買

小民貪賤錙銖必較以故率食粵而不食淮此私充官
滯之實在情形也仰承明訓黽勉圖維斷不敢稍存玩
泄自取咎戾惟是積習相沿已久挽回甚非易易必使
閭閻有感孚之機而後措施獲指臂之效卑縣地方遼
濶積案紛繁業經漸次清釐分別審結錢糧民欠至十
餘萬之多奏銷十屆未辦尤爲一大關鍵現亦設法親
赴各鄉催追勸懲互用期於力祛宿弊自維識淺才疏
毫無報稱倍切兢兢銷鹽一事此時實勢難兼顧若徒
粉飾目前張皇抑勒欺誑憲聰不特易滋擾累揆之寸
心亦多未安不揣冒昧仰懇格外矜全寬其程限期月

槐卿遺稟

卷四 書牘

四

之後俟理訟催科諸務稍有就緒再行辦理銷引總期
行之以漸守之以恆以無負栽培之至意現在鹽數仍
照舊銷報亦不至較前短絀再准鹽阻滯由於價值較
昂倘蒙俯賜酌減寬一分則民受一分之惠似於銷數
不無裨益抑或轉飭旂商徑赴卑縣開設子店官爲督
銷運售繳價等事由該商自行經理不必假手官局自
必易於疏暢愚昧之見是否有當伏乞鑒核施行

覆吉安李太守諭行事宜書

道光二十四年五月

敬稟者接奉憲諭雨水過多急求晴霽殷殷以政事有
闕刑罰失中冤抑未伸爲憂飭令稽查押犯體恤獄囚

清釐積案嚴禁宰牛戒差催之騷擾懲兇徒之擾害盡
心加意以感天和等因奉此仰見痾瘼民隱澄敘官方
本恐懼修省之深心求正本清源之實政祇聆之下欽
佩難名伏查卑縣本年春夏之交得雨稍遲高田未徧
栽插近復梅雨連綿沿河低窪田廬間有被淹雖地僅
一隅中之一隅災無十分中之一分究由奉職無狀以
致上厯憲懷負疚滋深撫躬增悚若再因循怠忽不克
仰體德意實力施行則是玩視民瘼辜負憲仁縱計典
之倖逃實天譴所必及職材質庸愚天良具在何敢自
暴自棄謹將遵諭辦理各條稟呈憲鑒

槐卿遺稟

卷四

書牘

五

一卑縣詞訟案件從不輕予羈押卽間有不得不押候
者亦必迅行勒集人證審結分別責釋萬不敢一押了
事現在管押人犯悉屬抗糧頑戶欠費旂丁但經完繳
立卽提釋仍不時親查諭以如有丁役私押訛索許卽
面稟立查重究各犯姓名事由飭承設簿逐日登記送
署親行硃標以防弊混

一監獄重囚除嚴行防範外仍時加體恤飭令禁卒等
勤爲掃除疏通溝道以免雨水壅闕高墊鋪板以避潮
氣上蒸捐給例給各口糧嚴禁禁卒牢頭尅扣囚犯遇
病飭醫用心診治捐發藥餌並轉行管獄典史一體遵

照

一戶婚田土案件隨到隨審隨審隨結其遵依結狀必親核定飭兩造當堂面具並於牘尾硃書判語從不假手胥吏致使結判參差留日後刁翻之隙命盜重案應抵者詳細推敲勿敢稍枉無干者立卽省釋俾免株累至雀角細故卽於兩造投牒之時立予審明了結不必傳集人證計職到任以來上控自理新舊各案已審結百數十起其久未呈催者卽照例註銷現在呈詞較前減少惟是卑縣錢糧積欠最鉅春秋兩稅必印官親催一或不到卽互相觀望抗不完納地方遼濶逐圖催征槐卿遺藁

卷四

書牘

六

有需時日故一歲之中在鄉日多在署日少以致未訊各案不能不畱牘以待曾仿照圖民錄所載帶卷下鄉就便傳審而頭緒太繁時勢迫促實難一律兼顧政拙而心徒勞殊滋戚戚

一宰牛上千天和下妨農務業經出示嚴禁查究

一卑縣欠賦旣多催科尤爲急務而差役不免藉端訛索或且無名之費轉浮於糧額實堪痛恨職硃書示諭嚴切申禁犯必重懲決不姑寬至赴鄉催徵遇人烟稠密村墟卽傳集紳耆士民恭宣

聖諭廣訓親爲講解務使羣知觀感踴躍輸將又分晰

都圖編造滋冊確查本戶的欠不准圖役朦混捉甲替
乙惟是健抗頑戶刁生劣監多以欠糧爲能相率效尤
實屬積重難返不得不以猛濟寬亦自行酌量懲辦斷
不縱差役騷擾徒滋民困其尋常詞訟差票俱鈐不准
私鎖四大字以防混鎖嚇詐

一訟棍兇徒最爲民害若不畱心查拏認真懲創則姑
息適足養奸而良懦愈受擾累職辦理一切詞訟審係
愚民無知情有可原概從寬恕惟究出主唆訟棍必籤
拘到案重則詳辦輕則枷杖或繫柱挺立隔旬提責一
次兇徒橫行鄉里亦照此懲辦現在棍徒似稍知斂避
槐卿遺藁

卷四 書牘

七

仍不時確加查訪按名拏究
以上謹就憲訓所及實心奉行罔敢稍懈自維識淺才
疏諸多抱歉仍求隨時指示俾有遵循以勉副仁民愛
物除暴安良之至意倘蒙上天垂佑水旱無災地方之
福悉憲台之賜曷勝企幸緣奉前因用敢據實縷悉稟
陳是否有當伏乞鑒核

請捐貲撫卹災黎上各憲書 道光二十九年七月

敬稟者竊照卑縣地方自五月下旬以來大雨時行河
湖盛漲前將田禾被淹及水勢日長情形業已三次馳
稟憲鑒在案今自七月初四日起至十二日止淫雨八

日東南風大作風狂浪湧每日長四五寸前此被水本重今又驟添新漲以致郡城內外一片汪洋不特鄉圩倒塌田屋皆在水中甚至城內街衢概成巨浸各舖戶居民紛紛遷避蕩析離居深堪憫惻親詣各處查勘沿河房屋冲塌甚多兼有饒郡便兌之浮梁樂平德興萬年四縣水次漕倉坐落隔河對岸俱已倒塌附近居民稍有力者先俱搬避逃生內有無力貧民不能搬移者水已封門尙蹲棲屋架饑餓待斃一經倒塌悉付洪流困苦情形痛心蒿目當經捐備餅餌藥物按戶散給先救其饑并捐錢米飭令即時搬赴空廟一面在高阜處

槐柳遺臺

卷四

古音牘

入

所搭蓋篷廠暫令棲止又奉本府一體捐施米餅資其日食均皆妥爲撫卹不致流離失所差堪上慰大府痾瘼在抱之至意惟是此次被水月餘久而且重詢之士著老民僉謂數十年來未有之事現在陰晴未定高田早禾正在收割之時奈連遭大雨新穀不能刈穫登場加以城鄉各礮坊米店因穀石及碾米器具俱被水淹難以做米以致糧價驟昂幸有外來客米船隻陸續抵郡接濟可望漸次平減連日隨同本府設壇虔禱惟冀日內天晴水退猶屬不幸中之萬幸倘再久雨不止被水各鄉固已苦累難堪卽未經被淹處所早禾不能收

獲蓋藏無資更屬大爲可虞復查本年被淹日久地方較濶戶口繁多俱係連年積歉之區上年雖屬有收元氣未復是以聲請將二十一年帶徵銀米再行展緩各在案本年早晚無收民力實形竭蹶除查辦緩徵之外似需酌量撫卹湖查道光十一三十四等年水災案內每次請給災黎撫卹銀七八千兩不等本年被災情形更甚現據各災民紛紛籲求若據實陳請帑項攸關恐干冒昧之罪如下情不爲上達各災民寒冬日食無資難保不別滋事端再四思維實深焦急容俟天晴水勢稍退卽當赴鄉督飭修圩會同委員詣勘淹田頃畝槐卿遺稟

卷四

書牘

九

詳請緩徵一面查明乏食貧民戶口應如何撫卹請示遵辦並移會各縣速將水次漕倉修理完固具報外合將卑縣連日淫雨不止城鄉被淹深重現已捐資妥爲撫卹實在情形再行馳稟請賜察核委員會同勘辦實爲德便

請發撫卹銀兩上各憲書

道光二十九年七月

敬稟者竊照卑縣地方五六兩月大雨時行河湖盛漲沿河傍湖各田禾均被淹沒復於本月初旬淫雨不止城鄉被水甚重必須撫卹情形節次稟報憲鑒在案茲幸七月十三四五等日連朝晴霽會同本府委員卑縣

縣丞蕭錫璜乘坐小舟親詣各處分投查勘城內之水
每日僅消一二寸城外各鄉俱係一片汪洋深者丈餘
卽稍淺處所亦有七八尺不等不特阡陌難分甚至河
與堤岸無從區別總因外湖壅阻並聞上游祁門婺源
等縣於七月初旬連次出蛟水勢順流而下匯入鄱陽
湖又於十七八九等日風雨大作徹夜不止以致饒郡
之水有長無消房屋坍塌不少幸先已督令各居民遷
徙高阜蓬廩人口尙無傷損連日隨同本府捐施餅餠
錢米藉資餬口均已妥爲安撫幸免流離失所外惟是
各鄉無力貧戶被淹日久家無蓋藏水宿風棲命懸旦

槐卿遺藁

卷四

書牘

十

夕現據各鄉民耆老紛紛籲求撫卹前來情詞甚爲迫
切當與蕭縣丞遍歷被水村莊逐一確查除本有藝業
及稍有力者俱毋庸查辦外查得實在極苦乏食貧民
統共二萬三千三百八十六戶內有男婦大口三萬七
千五百八十六丁口男女小口二萬四千五百七十八
丁口照查定例大口給穀三斗小口給穀一斗五升以
大口三萬七千五百八十六丁口計算共應給穀一萬
一千二百七十五石八斗又男女小口二萬四千五百
七十八丁口應給穀三千六百八十六石七斗二共穀
一萬四千九百六十二石五斗每石例價銀六錢共應

撫卹銀八千九百七十七兩五錢溯查道光十一十三十四等年水災案內每次請動撫卹銀八九千兩不等本年被水久而且廣情形更爲深重似應照例先行撫卹一月口糧俾資接濟事切民瘼斷不敢稍有諱飾而國帑攸關更不容藉滋冒濫現因各災黎待哺嗷嗷實有不得不查辦之勢再四思維用敢不揣冒昧伏乞大憲垂憐卑縣水災較重逾格施恩俯將前項撫卹銀兩委員如數賚解下縣俾得親詣各鄉按名核實給散此外坍塌瓦草房屋及紛紛搬動各費俱由職捐廉資助務期災民實惠均沾斷不敢假手吏胥稍有遺濫以槐卿遺藁

卷四書牘

十一

仰副憲台軫念民艱不使一夫失所之至意現在高田早禾俱已收穫晚禾倍覺青葱暢茂糧價漸平地方安貼堪以上慰慈懷除俟水勢稍退可辨阡陌再當會同委員確勘淹田頃畝查明應緩新舊錢漕另文詳辦外合將查明災黎戶口應行撫卹銀穀各數開具清摺稟呈憲鑒

請將舊欠銀米分別帶徵遞緩上各憲書

道光二

十九年七月

敬稟者竊照卑縣地方本年五六兩月大雨時行河湖節次盛漲以致沿河傍湖之東南西南兩鄉低窪田畝

概被淹沒各情形均經迭次稟報憲鑒各在案滿望天
晴水退可以補種晚禾雜糧不意七月初四至十二日
又十七八九及二十五六七等日秋雨連綿半月不止
水勢有長無消被災甚重除現在會同委員范倅分投
確勘實在情形另行稟報外惟查有道光二十一二十
四兩年被水及二十六年被旱案內各有緩徵銀米本
應二十七年秋後帶徵前因上年收成歉薄復經詳請
展限遞緩至本年秋後徵收各在案查本年應帶徵二
十一年被水初限一半銀三千五百八十二兩九錢一
分三釐又二十四年二限一半銀三千八百七十九兩
槐卿遺稟

卷四 書牘

七

九錢一分五釐又二十六年被旱二限一半銀二千七
百二十一兩二錢五分三釐以上三年共應帶徵銀一
萬一百八十四兩八分一釐又應帶徵二十一年初限
一半漕米二千六百三十二石七斗五合一勺又二十
四年二限一半米二千一百七石四斗三升四合九勺
又二十六年二限一半米一千八百一十石一斗六合
以上共應帶徵米六千五百五十五石二斗四升六合均
應隨同本年新漕徵收解兌現因本年夏秋被淹兩月
早稻顆粒無收加以秋後淫雨過多田內水深七八尺
及丈餘不等晚禾雜糧均不能補種該鄉本係連年積

歉之區現在早晚無收前項原緩錢漕實屬無力完納
悉心體察查二十六年被旱係屬東北兩鄉高阜山田
並非本年被水地方而且該地本年早收成熟晚禾現
亦青葱暢茂應將原緩二十六年二限一半銀二千七
百二十一兩二錢五分三釐又二限一半漕米一千八
百一十石四斗二升四合九勺仍請照常徵收毋庸查
辦外所有二十四年原緩二限一半銀三千八百七十
九兩九錢一分四釐漕米二千一百七石四斗三升五
合九勺又二十一年初限一半銀三千五百八十二兩
九錢一分三釐漕米二千六百三十二石七斗五合七
勺再請一併遞緩至二十九年秋後帶徵此外尙有二
十一年原緩二限一半銀米並請遞緩至三十年秋後
徵收以紓民力除俟奉到批示另行彙造冊結詳送外
合將卑縣湖田夏秋被水甚重懇將本年應徵舊欠銀
米分別帶徵遞緩各緣由先行稟報憲台俯賜察核批
示祇遵

辦理撫卹事宜上本府書

道光二十九年九月

敬稟者本年九月初四日接奉鈞諭以現接首府函奉
撫憲面諭本年各縣辦理撫卹如何能使實惠及民不
致胥吏侵蝕飭令有災之處將現在如何挨查戶口如

何散給錢文及一切章程詳細先行據實稟復等因遵查卑縣東南西南兩鄉被水災黎先經職赴鄉查勘田畝之時業已逐戶查明大小丁田應領銀穀各數稟蒙憲台轉稟仰邀大府逾格施恩委員賚解撫卹銀兩到郡蒙憲台發交收儲並奉札飭認真妥爲查辦當卽遵照曉諭被水村莊極苦貧民務須各安鄉井聽候撫卹切弗輕去其鄉災黎感頌

皇仁憲德懽呼動地惟是卑縣本年被淹較廣戶口繁多前次查報丁口時因災重時迫其中貧民不齊一時驟難分別此項撫卹銀兩專爲早晚無收之苦佃饑寒

槐卿遺稟

卷四

書牘

函

交迫貧民而設凡屬有田業戶及稍有藝業資本可以謀生者不在查辦之列誠恐無知鄉愚妄希冒領並有不法棍徒藉災煽誘滋事以及保甲人等串通書役希圖捏報分肥種種弊端均所不免職現已嚴切諭禁飭差密訪查拏並將署藩憲嚴禁衿棍冒領告示照抄多張廣爲曉諭俾得仰仗憲威不懲而戒一面查明被水鄉村順道遠近分爲東路東南路西路西北路四處稟請委員幫同職分投確查先期探訪各該村公正紳耆邀同傳諭除有田業戶及有藝業資本并續報聞賑歸來各戶流弊不可勝言一概不准查辦外凡有實在務

農極苦乏食災黎各於委員及本官親臨之日將家中男婦大小丁口齊集門首聽候查點不許稍有紊亂如敢以少報多就近詢明紳耆指斥即可隨時更正一俟點明人數卽令該家長當場據實開報註冊並於牆門上大書災戶姓名以便指認倘有老病孤獨殘廢者令其指出代領之人註入冊內每村彙訂一本查竣帶回核算應給銀數將撫卹銀兩按照市換錢價一併易錢仿照錢糧串票之式設立三聯印票編定東路東南西路西北字號以免混淆一聯存查一聯發給錢店查對登簿一聯蓋用錢店地名圖記交災民執票赴店取錢

槐卿遺藁

卷四書牘

五

諳諭該錢店務須一律遵用制錢如有攙和小錢短數尅扣許具領之人指名稟究此項聯票仍交委員攜帶赴鄉核對原查戶口報呈底冊挨戶親自散給各本人具領既免災黎羣聚守候爭領之煩而且毫不經由書吏之手亦無從侵蝕分肥庶可實惠均沾不使稍有遺濫以期仰副憲台痾瘼在抱暨大府垂詢芻蕘之至意抑更有請者此次災民數萬賢否不齊今見職層層稽核認真難保無不法棍徒藉災冒領以及聞賑歸來之戶因不遂所欲或有滋事及砌詞上控等情如遇此等案犯伏乞憲台嚴提究處或發交職酌量責懲以儆其

餘庶玩法刁徒咸知畏法斂迹矣總之有治人無治法
職才識短淺閱歷未深現雖殫竭愚誠不敢稍存成見
如有未能周妥之處仰祈俯賜提撕隨時指示俾得遵
循更正幸免愆尤則感戴鴻慈更無旣極管見是否有
當並求訓示祇遵

再稟者此項撫卹銀兩原因災民猝被水淹日給不敷
是以例給一月口糧本當早爲散放緣卑縣夏秋水患
由漸而來低窪居民先已遷居高阜迨至一片汪洋急
迫之際迭經職隨同憲台逐日指施餅餌藥食錢物以
濟其生如是兩月有餘幸免流離失所茲幸晴霽多日

槐卿遺稟

卷四

書牘

六

水勢逐漸消退該災黎等或有親友資助或力作謀生
察看情形現在尙可暫爲支持惟轉瞬寒冬風雪衣食
無資實爲可慮是以職再四籌思擬將此項銀兩循照
鄙邑歷屆舊章歸入冬季散放庶足以濟其饑寒免致
啼號之慘雖爲時稍緩而裨益良多伏惟鑒察

請發捐錢豫籌接濟以工代賑上各憲書

道光二

十九年十一月

敬稟者本年十一月十八日奉本府行奉憲台札查卑
縣被水業已發給撫卹所有倒塌圩堤除有力之家不
計外其赤貧無力修復者若干丈尺作何籌辦又被水

極貧如何接濟飭卽查照前發撫憲動撥舊存捐錢抄
奏事理確切查明妥議稟覆等因遵查卑縣本年夏秋
被水以來先經職隨同本府逐日捐給餅饘搬費錢米
共用錢四千餘串概係捐廉不敢開銷外復經稟蒙藩
憲委員賈發撫卹銀八千九百七十七兩五錢每兩易
錢一千九百文共兌九八制錢一萬七千零五十七千
二百五十文折十足制錢一萬六千七百十六千一百
零五文會同各委員確查戶口按名散給毫無遺濫茲
復仰蒙憲恩豫籌接濟實屬無已有加曷勝欽佩遵卽
細加體察該災民得此撫卹雖未能贍足然亦不無小
補與施粥無異辰下民情極爲安貼惟是被災之後水
退過遲不能補種菜麥雜糧雖經職於欽奉

槐卿遺藁

卷四 書牘

七

上諭案內聲稱來春酌借籽種接濟第冬春爲日正長
民力頗形竭蹶必須豫爲籌計再四思維惟有仰懇憲
台俯賜查照前次撫卹銀兩之數再行轉請發給捐輸
錢一萬七千串下縣以爲冬春工賑接濟之需俾災民
鼓腹含哺不致遽遭凍餒感戴鴻仁益無涯量矣抑更
有請者卑縣道光十一三四等年水災案內曾經借領
修圩銀一萬一千九百八十餘兩未能徵收還欸業已

詳奉

恩旨豁免各在案本年被冲各圩訪諸輿論咸以從前所領圩費概被有田富戶以及地方不肖衿棍保甲人等侵蝕分肥無力貧民不能得沾實惠等語復向本地公正紳士詳加採訪屬實現已諳切示諭勸令各殷富按田派修不敢詳請動項除有力之家業已遵示興修外而赤貧無力修築者亦復不少職管見此項接濟錢文與其加賑虛費多金似不若以工代賑卽將領到捐錢先儘修圩俾貧民日食有資而圩堤亦藉以迅速完固雖無借修之名實收成功之效似屬兩有裨益前因各鄉水未消退致稽勘辦今冬晴日久水已全消職現

槐卿遺藁

卷四 書牘

六

在赴鄉查勘冲塌未修各圩段落逐加勘丈確估應修錢數一俟領錢到縣卽當稟請遴委幹員幫同分投督修按日發給工資毫不經由書役業戶保甲之手庶足以杜冒濫而節糜費修圩如有多餘再將被水極苦貧民一律確查補賑儘數均勻散給總期工歸實用賑不虛糜緣卑縣濱臨鄱湖水災事所常有本年雖被淹較重辦理比厯屆爲優然亦不可不予以限制統計撫卹工賑籽種三項稠疊恩施實已毫無失所差堪上慰盡懷如蒙俯允所請職一奉飭知卽當專丁赴省領錢會同各委員認真核實查辦斷不敢稍有畏難草率自蹈

愆尤以期仰副大府軫念民艱諄諄訓誨之至意緣奉前因合將請發捐錢豫籌接濟以工代賑實在情形稟明憲鑒是否有當伏求訓示遵辦實爲德便

覆上請示勸捐情形書

道光二十九年十一月

再稟者案奉憲台籌辦接濟災黎飭令勸諭本地士民量力捐輸如有捐數較多者詳請從優獎勵等因職遵卽奉示剴切勸諭傳齊合邑紳士再四面商無如卑縣地方之殷富無幾水旱之偏災頻仍溯查道光十一年水災施前令勸捐鉅萬因辦理之未善貽口實於後來兼之近年奉輸海疆經費及修理縣學文廟書院各工槐卿遺稟

卷四

書牘

九

程在在捐資節節較絀且有樂輸登簿並無完繳之錢因而待費停工愈形拮据之勢在中人之產早已匱乏卽紳富之家實亦力疲加以本年水災重而且廣如按田詳緩則應徵無多職因漕糧上關

天庾正供思倉庫之裕備體籌補之焦勞能少一石緩徵之糧卽多一石度支之用是以多方勸導分別剔徵或見其水退較速補種有資或察其家尙小康支持稍可俱未全予請緩照常徵收雖俱勉力輸將不免踟蹰從事再奉諭捐之令益生觀望之心觀此情形實深焦灼惟是卹災善政事關全局之敷陳敢不仰體憲慈共

勸急公之推解除將職應捐銀八百兩先行如數批解外現將奉發撫憲告示照抄多張並奉本府大張曉諭如捐數多者許以獎敘從優或可冀其踴躍一俟捐有成數卽當稟報批解合將卑縣勸捐實在情形附稟鈞鑒

覆首府鄧太守論辦理撫卹事宜書

敬稟者接奉鈞諭以本年被水各縣惟德化湖口瑞昌進賢四縣辦理加賑其餘彭澤鄱陽等九縣雖經撫卹惟慮冬春爲日正長現奉大憲勸撥舊存捐輸錢二十萬餘串並爲率屬倡捐復蒙憲台婉達下情酌量發

槐卿遺藁

卷四 書牘

三

銀接濟多者僅符撫卹之數如前次委員阻於洪濤不能按村查點者此次先擇各都誠實紳士各就都圖按戶核丁限五日內造冊再行會同委員挨都復查先發給丁口票後換給領賑錢票均如串票式委員設局分示給領總期認真核實無濫無遺勿稍畏難草率等因並蒙頒發告示仰見憲台痼瘼在抱籌畫精詳拯生民於胥溺之餘俾歉歲無流離之苦慈詳剴實政實心循誦再三曷勝欽佩遵查卑縣濱臨鄱湖本年夏秋盛漲城鄉處處被淹幸水由漸而至有力者先已遷避高阜其實在無力搬移之家蹲棲屋架幾付洪流卽經職

擇高地蓋篷廠捐給搬費分別遷停並奉本府督同職
逐日捐施米餅錢文藥餌自七月至九月水退時止幸
免流離失所一面稟蒙各大憲發銀八千九百餘兩此
項撫卹必須查明大小丁口核定銀數各數方准給發
前此查辦丁口時誠如憲諭阻於洪濤不免遺濫之弊
嗣蒙委員賈銀到郡正值職捐施錢餅度日之時逐村
查點頗有端倪其時察看情形若將撫卹銀兩遽行散
放誠恐寒冬衣食無資實爲可慮是以稟商本府再四
熟籌先由職捐施米餅逐戶周濟俟水退後再行會同
委員分赴各鄉確查實在乏食貧民查照鄰邑歷屆水

槐卿遺稟

卷四

書牘

七

災舊章均於十一二月間散放當卽示諭災黎各安鄉
井聽候撫卹不可輕去其鄉因而俱各安心待撫並無
逃荒外出之人一面查明被水之區挨順道里遠近分
爲東路東南西路西北四路稟奉本府遴委在郡候差
佐貳及卑縣縣丞縣學教諭共四員幫同赴鄉探訪各
該村公正紳耆邀同傳諭除有田業戶及有藝業稍可
營生者概不准查辦外凡實在貧苦乏食災黎各於委
員及職親臨之日將家中男婦大小丁口齊集門首聽
候點查不許稍有紊亂如敢以少報多就近詢明紳耆
指斥卽可隨時更正一俟點明人數令該家長卽於委

員攜帶刊刷簡明丁口呈式內當場據實填註一面填
底冊核對並大書災戶姓名條記實貼門柱以便指認
倘有老病孤獨殘廢者令其指出代領之人註入呈冊
每村挨號彙訂一本查竣帶回核算應給銀數將撫卹
銀兩按照市換錢價一并兌換十足制錢仿照錢糧串
票之式設立兩聯印票編定各路字號以免混淆挨號
填明災戶姓名及應領錢數一聯存查一聯交原查委
員攜帶赴鄉核對戶口報呈底冊挨戶散給收領仍於
郡城適中處所分設四局先期示諭災戶持票赴局領
錢由委員及職親自按名隨到隨給既免羣聚守候爭

槐柳遺彙

卷四

書牘

廿

領之煩亦無尅扣攙雜短數之弊而且不經書役保甲
之手無從侵蝕分肥庶可實惠均沾不致稍有遺濫俱
一律查明共計大小丁口一十四萬五千一百五十四
名將撫卹銀兩易換錢文儘數均勻核實散給其委員
薪水丁役書辦飯食及紙張夫驕船脚各費均由縣內
捐辦此項撫卹銀兩原應早爲散放今因職先已逐日
捐給錢餅足資餬口改作冬季給領雖爲時暫緩與例
稍有未符而一轉移間因地制宜實於貧戶禦冬大有
裨益本欲據實上聞誠恐格於成例是以未敢冒昧稟
陳今蒙憲慮周詳復籌接濟洵屬有加無已下忱額祝

莫罄各言遵復細加體察災民有此撫資雖未能全行
贍足然亦不無小補似與施粥無異辰下民情安貼惟
是被災之後水退較遲不能補種萊麥雜糧雖經職於
欽奉

上諭案内聲請來春酌借籽種以資接濟第慮冬春爲
日正長民力實形竭蹶現在遵照各憲札飭竭力勸捐
奈卑縣殷富無多節次勸輸力疲難繼而且道光十一
年水災施前令任內勸輸捐賑錢至三萬餘千之多因
從前辦理未善致士民有所藉口均各觀望不前是以
迄今尙無成數集腋爲難再四思維用敢不揣冒昧據
槐卿遺藁

卷四

書牘

三

實上陳伏祈憲台逾格施恩俯賜查照前發撫卹銀八
千九百餘兩之數轉請藩憲委員賚發捐項錢一萬七
千餘串下縣再行按戶加賑俾各災黎含哺鼓腹冬春
日食有資不致啼號凍餒則益感

皇仁浩蕩憲德高深於無旣矣再卑縣歷屆水災案內
從未查辦房屋修費此次未據災民請領至修圩一項
道光十一三四等年曾經借領一萬一千餘兩未能徵
還業已欽奉

恩旨豁免在案本年被冲各圩職訪諸輿論咸以從前
所領圩費概被有田業戶以及地方不肖棍徒保甲人

等侵蝕分肥小民不能得沾實惠等語復向本地公正紳士詳加採訪屬實現已大張告示勸令按田派修論以

國家經費有常不容重疊冒領各業戶現俱遵照興修職仍不時嚴催趁此冬晴農隙之時趕緊興修完固具報如有無力修築者現擬將此次接濟錢文先儘修圩之用庶可以工代賑兩有裨益似無庸再請動項以節糜費况此次加賑實爲從來未有之殊施該災民具有天良亦斷不敢再生覬覦倘蒙恩允所請職一奉飭知卽當具文請領並會同各委員分投督修按日給領工

槐卿遺藁

卷四 書牘

廿

資精益求精務期核實該員等亦皆努力自愛勤奮認真諸凡周妥均可一手經理總之有治人無治法職才識短淺智慮未周惟有殫竭精誠力圖報稱盡一分之心冀小民受一分之益斷不敢稍有畏難自蹈愆尤以期仰副憲台視民如傷諄諄訓誨之至意緣奉前因合將卑縣確查戶口散放撫卹冊票各式及現在災黎均需接濟以工代賑實在情形縷晰稟呈憲鑒是否有當伏乞訓示祇遵實爲德便

覆首府鄧太守函示勸輸捐賑書

敬稟者接奉鈞諭以本年江省被水十三縣雖俱撫卹

緩徵祇救目前今冬至來年春熟爲日甚長除德化等
四縣照例加賑外其餘九縣量籌接濟並屋圩修費約
共需三十萬兩現動舊存捐輸錢可抵十五萬餘兩此
外不敷十餘萬無款可動已奉大憲奏明率屬倡捐應
勸諭地方殷富量力樂輸仍體察各屬情形按照缺分
分別擬捐飭將職應捐銀八百兩備具足紋起批解兌
應用等因仰見憲台暨各憲軫恤災黎有加無已之至
意下忱欽佩莫罄名言遵查卑縣本年夏秋被水以來
先經職隨同本府憲捐施錢米藥餌數月之久計費約
四千餘串現又將奉發撫卹銀八千九百七十七兩五
槐卿遺囊

卷四 書牘

七

錢按照時價易錢一萬七千五百七十七兩二百五十五文會
同各委員確查戶口按名核實親自散給毫無遺濫茲
蒙憲恩豫籌接濟復慮冬春爲日甚長遵卽查照前次
撫卹之數懇發捐項錢一萬七千餘串下縣加賑復於
欽奉

上諭案內聲請酌借籽種接濟似此渥澤頻頒實爲歷
屆水災案內從來未有之隆施該災黎感頌

皇恩憲德莫不異口同聲懼呼動地斷不敢再生希冀
緣卑縣濱臨鄱湖水災事所常有本年雖被淹較重辦
理固宜從優然亦不可不予以限制致啟倖心是以卑

縣向無領過房屋修費此次亦無請領之人故不敢查辦又修圩一項詢之本地紳士咸稱從前概被有田劣戶及地方棍徒保甲侵蝕分肥因此催令按田派修未敢詳請動項但有力之家業已遵示興修而無力修築者亦復不少職管見擬將此次所領接濟錢文先儘修圩之用既可以用工代賑俾貧民日食有資而圩堤藉以迅速完固雖無借修之名實有成工之效似屬兩有裨益職現在赴鄉確勘應修段落一俟領錢到縣卽移請各委員帶錢赴鄉分投督修按日給發工資毫不經書役業戶保甲之手庶足以杜冒濫而節糜費修圩如有

槐卿遺藁

卷四

書牘

其

多餘再行儘數均勻一律加賑職細加體察辰下民情極其安貼得此撫卹籽種工賑三項稠疊施恩毫無失所差堪上慰蓋懷至勸捐一事已奉示剴切曉諭並傳集本地紳富再四面商無如該紳士咸以從前道光十一年水災施前令任內勸捐鉅萬因辦理未善致有藉口加以近年水旱頻仍迭輸海疆經費修理文廟及興建書院工程在在捐資力疲難繼並有登簿樂輸迄未完繳現尙停工待費兼之本年被淹較廣如按田緩徵幾居合邑之半職因漕糧上關

天庾正供現當倉儲籌備之秋少一石緩徵之糧卽裕

一石度支之用是以多方勸諭或見其水退較速補種有資或察其家道小康支持稍可俱一概照常徵收雖皆勉力輸將不免竭蹶從事此時若再責令捐輸似覺力有未逮委屬實在情形惟事關通省卹災善政職敢不仰體憲慈實力妥辦現又稟奉本府憲大張告示曉諭許以從優獎敘再行設法善爲勸捐一有成數卽當另文起解外茲將職應捐銀八百兩如數備具庫平足紋起批徑解藩署兌收理合縷晰稟陳伏祈憲台恩賜察核詳細婉回大憲俯如所請辦理俾災黎工賑有資下情得以上達則感戴憲台矜憫成全之德於無旣矣

槐卿遺稟

卷四 書牘

七

謹肅稟復虔達下忱

拊南昌府鄧太守覆書

槐卿二兄大人閣下日昨連接覆函并刊刷冊式票

式三紙承示尊處查辦災賑情形妮妮千言至周且

備久諗閣下才能任事卓爾不羣當此地方災歉之

餘正吾輩盡心拊循之日閣下殫精竭慮籌畫精詳

如當被水之時搭篷厰給搬費使窮民無胥溺之虞

發撫卹之際因已日給餅米足資餬口留爲冬賑之

用現辦接濟擬將奉發經費先儘修圩以工代賑戶

口則核實親查書差則捐給飯食通權達變因時制

宜悉臻受善敬佩之餘又爲災黎慶何幸而得此賢令尹也第已將來函轉呈撫憲深贊實心辦事頭頭是道並令傳諭嘉賞之意且望終始盡心勞之無倦至此次請發捐項錢一萬七千餘串弟亦回明藩憲必須如數動撥委員實發現已隆冬爲時甚迫祈閣下卽行具文請領會同委員精益求精實辦理務使災黎無一夫失所圩堤則一律興修帑不虛糜民沾實惠俾議之者亦知縣令中竟有賢能仰體憲意如閣下者此項捐賑不致如人言落水成空弟實拜嘉惠於無旣矣省門經弟督同印委各員剴切勸諭月餘之間已據紳富商民捐銀捐錢共集青蚨十二萬餘串均各歡欣鼓舞毫無勉強現尙廣勸可望續增兩縣災黎不拘大小每名給錢二百文不日散放并以附聞專泐布復卽請升安

續覆首府鄧太守辦災情形書

敬稟者接奉鈞函以前稟水災撫卹各事宜蒙謙光以賜復傳溫諭之優加仰見大君子誘掖成全微勞必錄之至意然拳拳固惟恐失而善善太覺從長旣受寵而心驚並撫躬而汗悚况感恩知己古所難兼自顧何人庸茲榮遇敢不倍矢微忱冀克勉盡職守乎查卑縣撫

卹錢文按原領銀數均計每大口給足錢一百四十文小口七十文職與各委員分投核實散放一律完竣災黎得此撫卹可救一時之窘惟值寒冬凜冽極貧者仍不免啼號因屬丁憂僑寓之候補從九鄭芳司辨明沽暗賑之法在城鄉適中處所置設鍋攤熬煮濃粥每大碗量取錢三文小碗二文陽居售賣之名陰行施濟之實庶免羣聚生事較粥廠似爲簡便自十一月朔起開設三處每日每處可銷粥七八鍋不等其薪米人工諸費係各署官幕輸湊不敷之項由職全捐畢局費少惠多頗爲安靜又慮小民雖有餽粥餬口而無衣無褐何

槐卿遺囑

卷四 書牘

九

以禦冬復捐資先期遣人赴皖省蕪湖製辦棉絮彈成兩面綢線之棉胎衣褲一千件現於臘底屬親信誠實親友分赴城廂內外察看老弱極貧衣不蔽體者人給小票一張令親身持票赴領不准當賣在窮戶旣可以禦寒而刁民亦無從爭領凡此經營之瑣屑不過小補之驩虞方待濟之甚殷正躊躇以無術茲奉憲示以職前次請領捐錢一萬七千串已蒙陳大憲俯允所請頒發接濟從此工賑有資曷勝高深感戴並奉到藩憲批示遵卽具文請領一面確勘各圩段落造具清冊一俟領錢到縣親詣各鄉督飭興工職才識庸陋具有天

良惟當殫竭愚誠熟籌妥辦總期工歸實用賑不虛糜以仰副

皇仁憲德於萬一仍冀俯頒訓誨俾得有所遵循庶局促駑駘遇長鞭而思奮翻飛燕雀託大樹以包容合將職感謝下忱及現在辦理實在情形謹肅稟覆伏維鈞鑒

附鄧太守覆書

槐卿二兄大人閣下上元日接奉手牋誦悉辦理災賑事宜實惠實心欣慰之餘尤爲感佩邇來揀災迄無善策非奉行不力卽事涉張皇若尊處於通衢館

槐卿遺稟

卷四書牘

三

粥相繼無賑之名而加惠於賑非大才經畫識力勝人十倍不能辦此至捐給棉衣令啼饑者更無號寒功德尤非淺鮮此事弟行之歷有年所始則歲購舊布棉衣三百件賞給寒弱無告及監卡中之可矜者迨迨綦江其地向出繭絲卽教其用繭頭織成爲衣長以三尺爲率無須表裏每件價止三百文每年所施度越千件蓋價廉而易製也至今土人效之卽無施予亦免凍冽今閣下於皖省織就棉胎溫煖被體與弟往日所籌若合符節弟游涉一官惟愛民之心隱隱不去懷抱見有同志卽傾倒無似閣下善政長

材難以枚舉卽此設施悉當豈僅小補之云弟蘊結於中有感斯觸亦不同於阿好諛私故爲贊美也謹此奉復惟冀循聲遠播指日高騫爲西江一省之福吾道幸甚恭請升安

辦理張連輝等致斃張質先等六命情形上饒州

府胡太守書

敬稟者竊照卑縣民張連輝等傷斃六命一案經前縣彭令訊因張質先等搶牛致被張連輝等追捕毆斃等情錄供詳報該屍親固非平空搶奪若照搶牛拒捕致被傷斃辦理不特兇犯毋庸擬抵而屍親人等反應問

槐卿遺藁

卷四

書牘

三

擬重罪以致情急上控奉臬憲札飭職確訊詳辦職迭次隔別研審緣募禮村張姓素恃族大人衆欺凌蔣坊村張姓道光二十六年正月二十一日張質先等見蔣坊村張姓牛隻走至募禮村坪內食草與看牛之張裕選爭論因而牽牛訛罰實非平空搶奪次日張質先等以訛罰不允糾同合族數百人前往蔣坊村聲稱尋人網捉施放火器經中證人等跪求不止蔣坊村張姓情急抵禦乘火烟遮蔽之際直前爭鬪是以蔣坊村張姓人少而受傷得輕募禮村張姓人衆而反斃多命其下手正兇據張連輝等矢口不移曉以將來案須實抵該

犯等仍各堅認不諱前經職改裝易服親詣該處附近各村確加訪查僉稱慕禮村張姓理曲兇橫現在承認各犯委係在場爭先下手之人並無頂認情事伏思饒屬近年時有鬪斃多命之案亟應從嚴懲辦藉挽頑風職歷任地方力求整頓遇有謀殺故殺盜案無不據實詳辦從不敢存救生不救死之見致蹈姑息養奸之習况此案迭奉臬憲諭飭諄諄更何敢不自顧考成稍事寬縱第案由死者糾眾肇衅施放火器兇手迫於勢不得已倉猝抵禦與恃強逞兇致斃多命者情事稍有可原竊鬪很成風固當從嚴以止辟而實情可憫似應曲槐卿遺橐

卷四 書牘

予以矜全現經審擬招解於罪名並無出入而生路或可倖邀兇犯既俯首認罪屍親亦輸服無辭不揣冒昧合無稟懇憲台轉求臬憲網開一面俯賜勘轉不僅該犯等感荷恩宥而案亦得以速結實爲德便伏祈鑒察請將職員孫明捐置義田條欵立案詳牘

泰和縣爲詳請立案事據卑縣族長孫廷英稟生孫岐等稟稱族內一百五十餘戶大小五百二十餘口內多貧乏不能謀生孤嫠不能自給者茲有本族職員孫明承母遺命力行善事見族人多有饑餒心懷不安屬伊子芳提出制錢一萬五千串置義田一百五十餘碩每

口給領田三斗俾足一年之食泰和土俗田以碩計每五畝爲一碩半畝爲一斗以田之高下均勻配搭每三斗編爲一號計編五百餘號立簿存查集族人拈鬮某人拈得某號卽領某號耕種永不許售賣如有私自買賣隨時呈請查究擇族中敦實者四人經管其事無論男女老幼俱計丁口增減增一丁口則添給一號之田減一丁口則收回一號之田給領之外尙有餘田另置義倉積穀備荒竊思事不難於創始難於經久必須立定章程稟明存案庶可遵守以垂久遠合將孫明捐置義田緣由擬具條款稟請立案等情到縣據此查該職槐卿遺稟

卷四 書牘

三

員孫明捐輸制錢一萬五千串置買義田以濟家族之貧復將餘穀開設穀當以周隣里之急查核所議條款亦屬情義備至畝本睦婣深堪嘉尙理合具文詳請憲台俯賜鑒核批示立案實爲公便

答陳明經書

都門聚首快慰饑渴別後復蒙懷想前月奉到手書厚
承存注兼以芟芟重辱齒及益增愧赧辰惟道體綏和
榮問休暢爲慰弟於四月初抵里喜大母以次健順春
浦殿臣調庵諸君俱過舍間獲晤匆匆以奏銷期迫仍
赴西江於五月初旬回任舊地重來依然故我星移物
換棘手倍多目下河工軍需制用孔繁司農有仰屋之
嗟大府急催科之令民生已歎乎剝肉 國計更迫於

槐卿遺藁

卷五

書啟

一

然眉風塵下吏蒿日時艱不能不隱抱杞憂耳今科南
北榜我邑均落孫山殊屬文運之厄足下原不以得失
爲欣戚知必天君泰然况得賢大夫作居停可無米珠
薪桂之憂雖鵬翅暫息終見搏扶搖而直上九萬里也
拙作學製草六冊今夏舟次爲胠篋之盜攫去實一憾
事雖不值大雅一噓然十餘年心血所存亦不忍忍棄
行將搜索底藁再爲編錄有如山中白雲自怡不堪持
贈玉泉同年乃以是見索毋乃誤認符拔爲麒麟而嗜
痴成癖乎幸爲致聲道歉焉札中戒弟自矜且推其病
在 以事功論人而勗以涵養具徵拳拳忠告之至意益

我良多感何可言雖然弟竊願伸其說焉夫奇則相賞
疑則相析朋友論文之樂事也弟所著判牘不下數千
首求其愜心貴當百無一二間有其事其文足資傳信
而徒習申韓者既不足與論文之工拙若儕輩操舉子
業又薄官文書而不屑寓目宦途易招尤忌更不敢輕
以示人區區甘苦寸心自知比攜至都門偶出就少岩
同年及足下是正公然俯首低心一一披閱且評論深
中肯綮不似隔鞞搔癢此則數年來鬱而未宣之蘊一
巨暢發無遺有不知手之舞之足之蹈之者誠中情之
所不自禁較之八股試帖之工有目共賞而輒視掄元

槐卿遺藁

卷五

書啟

二

如拾芥者似猶有間焉夫何足矜夫何必矜至謂以事
功論人則孟子不及儀秦而管子賢於仲尼斯言也蒙
尤惑焉聖門四科德行之外不廢政事而事功必根諸
道德離道德而侈言事功非也舍事功而空言道德亦
非也儀秦乃縱橫捭闔之徒何事功之足云若管仲則
天下才夫子且以仁許之豈可厚非夫道以匡時爲大
而必於事功見之孔子相魯三月大治謂非事功之宜
著乎孟子與齊梁之君論王政何莫非事功乎夫泛言
道德貌襲者大抵皆能之實而徵之事功則真僞自無
可遁人有今古而事功則無分今古竊謂當世得一好

學泥古之王荆公不若得一勇敢幹濟之張江陵也得
一十萬軍潰自誇心學之張魏公不若得一慷慨激昂
之盧建斗性剛負氣之熊飛百也足下之論程朱第謂
言誠言敬抑知程朱居官之日皆有事功表見載在宋
史彰彰可考非空言誠敬而已也卽如王陽明良知之
說與程朱異而戡宸濠平峽匪事功昭然迄今與宋儒
並從祀兩廡議者未嘗以爲非本朝理學首稱湯陸二
公而湯之撫蘇陸之作令其事功何如二公本集具在
足下豈未之見乎足下又疑弟以迂濶目宋儒此尤文
致周內之論弟偶舉伊川諫神宗折柳及諭司馬諸孤
槐卿遺藁

卷五

書啟

三

祭日不宜受弔二事當日溫公坡公皆嘗迂之又舉通
志堂經解四書辯疑有與朱註異同實足互相發明者
初未嘗以言誠言敬爲迂濶也須知鄉黨必有寢衣節
孔安國註以爲被雖蔬食菜羹瓜祭節孔安國註主苾
祭俱與今集註異凡此皆古人之言非今人之言足下
虛心古人而於古人之書曾不寓目及之徒斷斷守一
家言而輕量當世之士欲關其口而奪之氣毋乃執德
不宏涵養尙未優乎夫切切惻惻朋友之義弟豈敢好
辯哉特恐足下自視過高視人過卑愛弟甚深知弟猶
淺將來出身加民徒託從容諷議之習以相高而流於

空疏無據之弊微特離孔子孟遠恐離程朱亦尙遠則甚
非天下蒼生期望之意也長安人才淵藪擇交固宜慎
而胸次固宜寬如第識同體之善而忘異量之美則處
世之道似大隘恃愛妄瀆罔識避忌倘有良箴望復布
露勿疑爲鑿枘而鄙棄之庶幾聖門各言爾志之意幸
甚

答安仁大令夏謙甫論漕米變價情形書

差至接讀手函不以弟前言爲憊而虛懷採納曲賜包
容往復周詳藉開茅塞繼續覆稟大稟彌覺暢所欲言
淋漓盡致當今畱心天下事如閣下者有幾人哉而鄙

槐卿遺藁

卷五 書牘

四

意竊尙欲有所奉商忘其固陋敢獻芻蕘而就正焉江
省有漕州縣共五十餘情形各不相同土語有所謂漕
爛倉口者米質霉黑結塊殆不可堪收之於民兌之於
軍習爲固然勢成積重平時抽售一二石尙無願買之
人卽漕坊酒肆偶有買者所值幾何而謂能易銀一兩
以外乎而况數十萬石之米同時糶變乎贈軍剝淺各
項均應隨解之欸公也兌費私也閣下認兌費爲贈剝
混公私而一之似乎眉目尙欠清晰安仁折價不過三
兩以外抑知他邑尙有不及三兩與僅二兩上下者乎
且浮折大千功令州縣藉此辦公諺所云瞞上不瞞下

者此時國用孔亟稍可設法挹注固不必諱莫如深然亦須通盤籌畫度已度人奚必沾沾舉此一頂言之不足又長言之豈慮部中之於外吏上臺之於下僚無可捉搦而授以敲剔搜索之把柄乎現在督催解款羽檄紛馳迫如星火倘執紙上折價之說立行札提不知閣下果在在現成否乎抑終不免捉襟露肘也抄發司道會稟已將一兩二錢抵餉窒礙之處明白指出閣下乃以爲此數在免費既交以後而未可援行於免費未交以前豈猶嫌定價之輕欲藉以爲籌餉裕裕經費之地而置州縣之累於不問乎夫當時事多艱之日毀家紓

槐卿遺藁

卷五

書啟

五

難皆臣子分所宜然稍有天良豈敢膜視而至關係地方一切公事尤必綜核全局俾不顧此失彼徒賸日後之民生無裨目前之國計若但就一邑言之以安仁七千數百石之米長才固料理裕如卽以鄱陽而論漕額二萬五千餘石已奉截畱赴九江一萬五千石存倉僅萬石有奇且水次收兌並無剝運折耗或變或儲均較他邑辦理稍易而弟斷不肯以己律人者則以各漕倉情形曾歷數縣畧知梗概此時米愈多則累愈重故不敢存一味見好之心而置通省大局於不顧倘如閣下之說得行恐不知者援爲鐵據不但舊漕責令依數變

價且新漕亦將加折取盈勢必官民交困貽累無窮似宜深思而熟計也再讀另單所云請將安餘兩縣漕米撥解九江早爲脫卸是亦明知籌變之艱欲圖捷足之徑而實禍已不免委之鄰壑竊爲閣下不取也弟前書所云州縣條陳與言官不同與著書立說者尤不同今將來稟反覆讀之似在我輩州縣公牘尙應稍爲變通何者言豈一端而已近世儒生著述之言扣槃捫燭以爲日者也言官風聞論事之言秦人而揣越人之方言土俗者也聽者猶疑信參半焉若身爲州縣而自言之則聽者必誤信而堅持之膠一隅之見而釀通省不白之冤成固結莫解之局將必有謂各州縣已入陷阱又有從而下石焉者豈不大可懼哉弟與閣下相晤十年前以前一面卽深欽佩今幸其事一方更屬天假之緣况科名則典型先輩齒序則兄事季心所以不嫌絮瀆者以此事關係頗重前已將種種窒礙實在情形披瀝上陳抄稟奉呈計達左右爲全省大局計而非爲自私自便計並無一毫成見於其間仍望閣下俯加詳察而垂教之幸甚

附陳甫大令書

槐卿二兄左右頃奉手示以漕運變價事宜中丞立

等覆奏屬卽妥議會詳足下主持七邑同舟仰賴許
謨以資遵守而虛懷集益拳拳之誼欽佩莫名竊以
事關通省大局各州縣均須破除門面之見以期有
裨 國計無誤軍需惟來信中謂兩害相形則取其
輕與其變價而積必不能償之虧莫若儲倉而冀萬
一可轉之運持重之見自應爾爾而弟以天時人事
兩相揆度竊不敢不獻疑於左右者江右一帶倉基
半係土地各州縣之米儲倉過年者甚少加以本年
春雨動經旬日浸漬簷牆潮氣直達於內守至今日
已慮熏蒸儻再稽延必至霉變一也省抄一紙傳播

槐卿遺藁

卷五

書啟

七

動搖官幕全無把持差埠加以恣愆於是廣豐上饒
一帶米皆下河迨至士良太守回廣始飛檄截回現
俱停泊河口發水偷漏百弊叢生卽使立奉變價已
難還原若令住守遙遙貽累豈有了局二也公牘來
往動以月計各州縣之米盈千累萬亦非刻期可以
蕝事如在三月以前賊氛掃盡趕運趕渡向年江廣
灌塘亦在五六月間原可不至貽誤但恐屆期未能
如願必至臨事周章轉瞬節交夏令梅雨應時糶變
無掃數之期折賤有立待之勢三也鄙餘兩邑逼近
湖濱二十八年之水兌倉均被冲塌而鄱陽首邑

外四縣之米皆在饒郡便兌各有倉儲一經湖水泛漲則數萬正供悉入馮夷窟宅州縣苦於搬運之無從上游責以收藏之不謹著賠無力籌墊爲難四也足下才識過人必能悉心體察至變價已奉明文亦舍此別無良策惟一兩二錢之成案市價雖慮其難行而部議猶存乎見少况制府去年所定在兌費已清之後今則在兌費未交以前情形亦屬迥異鄙見以爲若將節省漕項津貼等款並入牽算尙可增人一二成然部議准行與否仍未敢必况幫官總運枵腹爲憂又應作何籌欸調劑之法種種爲難不可殫述夫變價銀兩原以備西北採買之用而

廷寄內不提一字是軍需籌撥已在

聖明洞鑒中計江省之漕除貴縣及樂平都昌解運九江支應兵米四萬餘石外仍存七十萬石有奇合計兌欸牽算可得百萬以外現經戶部開單知照

欽差大臣計一百五十萬俱經向軍門咨請截留江西支應弟意卽以此項相抵而各省撥解之餉按數截回實屬轉移甚便挹注相因至此項收支統歸外省卽使部議增加亦可於軍務告竣以後酌量通融現已擬稟稟一通先行抄寄當此 國事孔棘實不敢

昧負天良藉累缺作一違心語以爲異日告虧張本
知我罪我不暇計也不盡之言容再飛佈惟亮答不
宣

答夏謙甫書

奉來書詢以正月十五日之事此似意外之變而實意
中也饒郡向係商賈輻湊之區薰蕕雜處其尤桀黠者
爲糧艘之水手械鬪劫掠習以爲常地方官恩威並用
得以彈壓不生他變者一以旂丁係在官人役一則每
屆交春各縣冬漕並集幫兌之費源源而來正其秋成
之候必無他虞不意九江陷後漕運奉停衣食之源遂

槐卿遺藁

卷五 書啟

九

絕覬覦之計頓生一聞賊船東下不禁幸災樂禍冀召
外盜而起內訌譎言之釁實始於此幸所遣偵探四出
知賊已悉數出湖口陷彭澤當卽單騎出城徧諭居民
告以是匪非賊切勿墮其計中輕舉妄動正喧閶間見
有擔囊負篋而趨者捕得之賊證確鑿其人卽係糧艘
水手因手出佩刀格殺二犯其事遂定次日拘其舵長
至示以首級俯首無詞再三研詰實不知情爰從寬杖
之庭下令具此後約束水手永不滋事甘結而遣之所
以不欲操之過蹙者緣此輩停運之後餬口無資一經
窮治必至挺而走險兼以沿江減歇之糧艘更番勾結

爲賊嚮導其患不小李斯逐客之書所謂藉寇兵而齎盜糧者不可不熟思而審處之也此時省中已奉

廷寄令有漕各州縣停運糶變並查糧船水手作爲招募義勇能否不滋流弊現奉通飭相機籌辦竊意此舉得行簡其驍健訓練歸伍可以化梟爲良一便也若輩以船爲家人居饒郡與民相安可以反客爲主二便也人情飢則求食渴則求飲嬰兒失母乳則歸之必不至藉以居奇婪索月餉三便也賊之回竄自屬意中即使久踞下游亦恐一日不忘江楚郡中無城可守一朝有警擬卽移營康山扼其險要雖成敗利鈍非可逆觀而槐卿遺藁

卷五 書啟

十

裏糧坐甲惟敵是求亦必無因噎廢食之理弟一腔熱血憤懣填膺每懷鄉先生金正希吳次尾之遺風不禁拔劍欲起同仇如閣下惟期共舉義旗以雪敷天之憤也惟亮管不宣

此沈君咸豐三年正月下浣答予書也書中所論處分旂丁一事後竟行之是時賊方越彭蠡而東江右報平安之火官民慶幸而君獨憂之故其增募糧勇及籌辦康山防禦事宜皆在二月以後惟予得其書讀至一腔熱血憤懣填膺等語愀然嘆曰昔屈子思效彭咸之則朱雲願從龍比之遊今吾友服膺前哲

欲步後塵止水之讖其在斯乎不意八要之約卽在
數月之間時予方攝安仁篆同舟二載郵筒來往日
月無虛頻年轉徙都已散失檢此紙尙在篋中因將
致君所論漕米變價原札一并付喆嗣芝修刊入遺
藁中藉以誌良友之藥石感往事於人琴至其自康
山赴省寄予一札則絕筆之書亦復展轉浮沈謹記
其大畧於所撰紀畧中又有與伯兄韜甫教授論學
書君死事之後伯兄有書槐卿札後刻入景紫堂文
集中干戈搶攘欲購無從聊以是爲吉光片羽之存
而已同治壬戌夏五當塗夏燮記

槐卿遺藁

卷五 書啟

十一

與芝陽紳士書

昨聞邑紳士民有建亭立碑之議僕甚惑焉災變非常
上天垂譴職司民牧待罪弗遑而遑敢引辦災爲已功
乎哀鴻遍野困苦流離何以還定而安集之饑饉洊臻
搶竊易起何以鎮撫而弭防之補偏救弊未克盡職於
萬一夙夜捫心實深負疚而又何功之有至涉厯風濤
觸冒暑雨按戶查辦捐資撫綏此皆地方官循例應分
之事更無足爲異而况冒濫遺漏諸弊皆未必能盡免
不以爲咎而反以爲功是重吾過也且當此度支匱乏
物力艱難之時上不能不耗 國帑下不能不勸捐輸

在在無非脂膏事事悉貽厚累迺復因此竊取一時之名上臺必疑其市恩捐戶更指爲掠美猜嫌謠謗從此易興矧自秋徂冬爲日正長措置經營諸多棘手安保日後一切盡如人意有不虞之譽卽有求全之毀勢實相因而至恐愛我者適以害我也夫聲聞過情君子恥之撫躬自問果能如范希文之公私仰食富鄭公之廬舍萬區乎果能如朱邑之治桐鄉宋登之令汝陰乎今人才識萬萬不逮古人若徒以豆區釜鍾之惠胼胝手足之勞而遽加以難副之盛名顯于造物所忌匪但招尤兼虞折福如果士民等諒僕居官數年實事求是富者勉力解囊共襄義舉貧者守分安命勿啟囂凌更望賢士大夫彌縫其闕而匡救其所不逮斯則官民一體感戴真誠較之推奉虛名豈不相去倍蓰耶且樹碑建祠律有明禁違礙尤多僕不敏敬布腹心毫無矯飾惟諸君子垂諒之幸甚

先從堂嫂烈婦李孺人徵詩啟

事在辛丑十月

蓋聞嘔心灑淚染湘竹以成斑遺骨生香剪皮金而作字紀守貞之焦婦樂府留題愍殉節之高姝諫詞爭製自昔驚人之奇烈必徵載筆之揚言况復曠日盟心夙嫻禮節青年矢志更著從容飲鴆羽以捐生金莖露冷

縫鴛衾而伴死玉帳風淒如我先從堂兄文濤公繼室
沈烈婦李孺人者蕙質生成桃夭早賦膠續鸞而結契
車挽鹿以殷勤敬事重慈再世甘茹荼之節備全四德
三年肅舉案之儀門內不聞夫勃谿閨中爭羨其靜好
而乃花偏薄命草未宜男伯兄辛苦以牽車二豎呻吟
而肆虐休文易瘦侍湯藥以椎心秦緩難醫佐茯苓而
截髮熟甲香於蓮座身代顛天斷辰夢於藁礎魂招無
地斯時也淚流成海城幾欲崩誓重如山石還能化顧
念身爲若婦本之死以靡他然而人是未亡尤送終之
宜慎乃營綿纊爰屬絞衾布被親封竊比黔婁之婦總

槐卿遺藁

卷五 書啟

惟哀誅儼師展季之妻其斯謂大義能明大事克當者
乎溯自先從兄之彌留也親備喪資豫籌凶事謂規衣
則各成一襲謂市槥必速購雙棺願作韓憑化文鴛而
比翼也如簫史跨采鳳以雙翔衆或笑事之未然兄竊
向人而樂道無何朱徽冷落雁柱空排丹旒淒涼牛眠
已卜家人環守虞孝婦之捐軀堂上慰言冀新孀之轉
念而邱嫂乃強延喘息期緩防閑小畱獨活之枝勉作
寄生之草青牛帳外酬大母之喪殮朱鳥牕前代阿姑
之鍼黹究之貞心不轉烈性難回每思奉養高堂有小
郎哺勤烏鳥先從堂兄胞弟三人俱已成立若問撫成弱嗣無猶子望

失蟻蛉永絕所天餘生何戀鄴城四七慟度日之如流
壻水三千圖及泉而相見遂於陽月仰飲砒霜驚問詳
由備聞姆母急思救治遍覓良醫爭投洗髓之方立見
搜腸之效竊幸銀丸有驗返貞魄於一朝何期玉盃空
畱送芳魂於再夕甫歌寡鵠年纔一十九齡隨逐飛鸞
時僅二旬八日斂衣密製都非續命之絲宰樹新封倏
長連理之種所遇如此良足悲已尤異者汁吞毒蠱也
應寸斷猿腸藥試酖人得不紛飛鵲血乃烈婦之高風
可挹貞姜之玉貌如生豈非魄濯水壺聰明雪淨心涵
井水渣滓烟銷者哉嗚呼貞珉不朽遂其同穴之心綽
槐卿遺臺

卷五

書啟

十四

楔流芳好待旌門之典伏冀夷魚直筆左馬高才標勁
節於千秋寫貞懷於八斗濡毫紀實表潛德之幽光潑
墨摘詞闡深閨之芳躅從此鋪陳藻翰錦箋增價於詞
壇庶教採擇輶軒彤管揚輝於女史謹啟

補編

籌議漕米礙難改折情形上大憲書

道光二十九年正月

敬稟者本年正月十四日按奉本府轉奉糧道札開案奉撫憲行准戶部咨送會奏籌備庫欸五條欽奉

上諭飛咨移行欽遵現奉撫憲面諭飭將漕糧改折一欸各就地方情形確核妥議並將歷年緩徵漕糧原議全改折色是否可行轉飭一併詳議等因職遵查漕糧係

天庾正供改折乃時勢權宜必須於

國計民生通盤籌畫斟酌萬全方可見諸施行若措置

槐卿遺藁

補編

一

難期妥善卽未敢輕議更張謹將卑縣歷年積欠米石以及地方實在情形悉心籌議敬爲

憲台陳之卑縣每年額徵正副漕米二萬六千零一十八石五斗七合一勺向由各花戶運米上倉完納溯查乾隆嘉慶年間均皆年清年欸自道光十年以後濱湖各鄉迭被水災民力拮据雖節次辦理緩徵而應納之米不能依限交倉各前令因恐悞漕不得不代爲墊解是以二十五年欽奉

恩旨豁免案內查有各年墊完民欠漕米一萬二千五百二十四石零按照各年旬報糧價共銀二萬九千八

百一十五兩零前署縣彭令指爲無款可挪遂致均歸無着是此本色米糧尙須官爲籌墊若復改徵折色更恐徒事追呼緣小民終歲勤動無論田畝多寡均不無升斗贏餘因其所有而取之挹注較便故輸將及時一經改折旣須以米易錢又需以錢易銀值此銀價高昂之時非特窮鄉僻壤兌銀倍艱卽屬大邑通都亦難驟添此纍萬盈千之銀數况新穀登場之後米價必然平減故積穀之家往往於次歲三四月始行出糶此其明證若漕糧有冬兌冬開定限則改折納價自必不容遲緩竊恐糶販不前米價益形跌落愈滋穀賤傷農之虞

槐卿遺橐

補編

二

而且刻期兌完銀價又復增昂徒飽市儈居奇之橐有非法所能繩令所能一者夫以地丁錢糧忙分上下按限比催尙且積欠纍纍致令官懼處分若再加此改折之銀同時徵取聽依時價參差不敷採買任其待價又懼展轉觀望貽誤要需若不問市價之高下而一概取盈是卽暗中浮加勢必愈形困敝又况米穀爲日用飲食之常設或因糶變之無期難保不饑殍之取給迨追呼方迫而蓋藏已空始則慮無可折之銀繼且并乏可改之米此卽日加敲扑已無補於輸將不但閭閻之元氣易於耗消兼恐京倉之積儲難以充實至於改折幾

成之說似足以昭體恤然同一編氓同一田畝究竟何戶應徵本色何戶應徵折色既難示以區別強而行之則良懦增抑勒之苦刁頑長抗欠之風更屬勢所必至若令半米半銀分拆零星事尤繁瑣科則因之紛歧胥吏從而高下流弊益無底止似不僅加重之宜防浮折之宜禁已也若夫歷年緩徵之米概係積歉之區卽或偶屆豐登而新舊並徵民力實屬竭蹶雖多方展限遞緩尚難望其逐漸清完如再責令改折恐更有名無實縱嚴加參處使官各自顧考成不得不設法墊解而州縣多一賠累之歛卽倉庫多一挪墊之根其病隱伏於無形尤不可不爲深慮方今人物蕃昌百貨騰貴物力之艱難每倍加於往昔而民間之疾苦更較甚於曩時

伏維

朝廷之度支積貯無一不出於民欲籌

國計之寬紓端賴民生之饒裕職識見愚昧具有天良極思稍効涓埃力圖報稱何敢妄陳異議自外生成但體察情形實多窒礙用敢不揣冒昧詳細稟陳是否有當伏祈俯賜察核施行

槐卿遺稟

補編

三

石埭沈行慶著

興國縣寶賢鄉書院記

風俗之盛衰教化之得失視乎學校之廢興古者國有學州有序黨有庠家有塾制不厭煩而工不嫌費非徒資其記誦篇章已也必將討論乎詩書禮樂之原循習乎揖讓進退之節以進求乎修齊均平之要雖有一二縱恣之氓使之耳濡目染其中亦皆潛孚默感於不自知在國則化行一國在鄉則化行一鄉其功效豈淺鮮哉我

槐卿遺藁

卷六

雜著

一

聖朝振興文教養士尊賢四海之外六合之內犁然從風傾心嚮化旣拔其秀者列之學宮而自省會以至郡縣復各設立書院俾得樂羣敬業焉養正之功其在斯乎興邑城北向有澱江書院歲延師主講生童受業者僅數十人其僻處山陬數十里外者輒以不便阻寶賢鄉據邑上游與廬永二縣接壤鄉人士以距城遠來游維艱爰於鄉之神仙段建造書院峯巒秀美清流映帶游其地者有人文蔚起之思一時士民踴躍從事院之制坐西面東中講堂前魁星閣後文昌宮尙義祠列左右學舍鱗次不華麗而宏厥繚以垣墉內有隙地可

花可木可井可池院之左隔溪相望有龍頭山前明各
姓建庵其下厯施田二百餘畝以禪林無主併歸書院
充膏火之費經始於道光十六年七月之望迨十八年
秋凡三載而工竣額曰寶賢取尙書語寓鄉名且兆賓
興也嗚呼興以叢爾邑界萬山中民習强悍挾氣尙鬪
閭巷之間酒食游戲相徵逐攘竊姦宄往往競起風俗
之不正教化之不行也匪獨守土者之責抑亦鄉先生
之憂茲乃克嚮風慕義慨然敬教而勸學蓋三程過化
之澤有未盡泯者由是家絃戶誦推一鄉以暨四隅六
鄉莫不變化氣質薰德善良育人材以供

槐卿遺藁

卷六

雜著

二

朝廷之用教化於焉廣風俗於焉美記云觀於鄉而知
王道之易易不信然與余攝篆茲土八閱月凡所爲移
易風俗承宣教化者未能著有成效心竊滋愧茲當瓜
代行有日矣倦念士民每低徊不能自釋諸生以書院
記請於余余雖不文能無一言以維風俗持教化而相
承於無窮哉是役也太學生夏侯君顯鄭君耀焜實始
其事各捐金千兩以上締搆者孝廉胡君麟督工者太
學生夏侯君冠楊君爲材廩膳生歐陽君泰增廣生楊
君紹清庠生夏侯君黼捐基址者歐陽君恩英楊君東
旭及衆姓人等捐金百兩以上於書之以見茲鄉好善

之誠兼爲各鄉勗焉

重建芝陽書院記

道光二十五年歲在乙巳新安胡公以名翰林來守饒州訟理政平百廢具舉尤肫然以樂育賢才昌明正學爲急務明年衍慶承乏鄱陽公語之曰饒爲人文淵藪先賢朱文公過化地而書院堂舍湫隘不足芘多士山長儼屋而居非所以崇儒重道也盍亟圖之衍慶退而詢諸父老稽之郡邑志乘饒舊有書院代遠廢興不一乾隆三十九年巡道秦公移建道解東名芝陽書院道憲王之四十三年移巡道駐九江書院隸於府道解旋槐卿遺橐

卷六

雜著

三

圯道光十年邑紳何觀海等牒請解地改創書院歸地值於官前太守厯議興建未果於是公亟率屬捐廉爲倡七邑士民仰體德意爭先輸貲合得緡錢二萬六千有奇乃集紳董鳩工庀材拓其地崇其墉其中闕以深其外方以直前爲月臺爲重門門內爲甬道有東西廊升階爲講堂堂北翼以亭內爲正廳祀朱文公暨名宦鄉賢之係於饒者左右有室山長居之東西齋八區爲十六爲房六十有四肄業生童居之廡後隙地若干丈繚以短垣庖湏几榻器具罔不備經始於道光二十七年九月告竣於二十九年十一月公乃釐定條約集七

邑人士肩試之拔其翹秀者宅之院浹旬而課之擇衿
之老成者二人經理而稽察之於是士子來者襜襜其
服翼翼其儀相與揖讓弦誦於其中一變苟簡厥陋之
習旣而董事者礪石請記公固以屬衍慶弗獲以不文
辭乃進諸生而告之曰修廢舉墜者守土之任也正誼
明道者士大夫之責也易曰君子以朋友講習論語曰
學之不講是吾憂也夫講習講學者豈記誦詞章標榜
聲譽云乎哉天下治化之興在人心正人心之正在經
術明道不外子臣弟友學不踰濂洛關閩士誠能研究
六經四書之旨切而求諸心實而踐諸躬則著爲文章
槐卿遺藁

卷六

雜著

四

蔚然經籍之華而曲學異說不惑矣措爲治術粹然中
正之業而計功近利羞稱矣方今

聖天子模唐規虞揖顏拜孔

詔崇

御纂性理精義

宸翰親書

聖諭廣訓黜異端以崇正學四言韻文頒行天下俾薄
海士民曉然於名教之可樂邪說之難容所爲崇經術
正人心而興治化之本原者至深且遠直省大吏以迄
守令莫不承流宣化庠序閭閻比戶蒸蒸饒風氣近古

名臣碩學代不乏人而公系出安定先生又爲朱文公鄉人其於經學理學淵源尤爲有自茲者上體聖天子之教以爲教提撕獎勵無微不至多士宜如何景仰前哲爭自濯磨以仰副

昇平之醴化暨賢太守作育之苦心而相與維持於勿倣此公之訓而亦衍慶之所厚望於諸生者也諸生勉乎哉是役也費緡錢二萬一千有奇并院左文昌祠葺新之掌出納之籍於紳董而官吏不涉焉儲其贏五千緡於典商歲收息助膏火資其修脯雜費之取給於官租者仍其舊督理工程者鄱陽縣學教諭應君奎饒州槐卿遺稟

卷六

雜著

五

府照磨張君榮董其事者鄱陽縣紳士戶部主事但君紳前湖南芷江縣知縣何君觀海前湖南清泉縣知縣汪君仁堂前廣西來賓縣知縣蔡君承志舉人劉君映之方君逢泰而應方二君終始於局力尤多焉例得並書

孫氏義田記

昔范文正公義田千古稱述弗衰今復於泰和孫氏見之孫君名明字啟東浮潭村人也少孤苦有至性承母訓孳孳行善惟日不足有肆一廛在楚南其冢嗣澇席舊業善居積歲入贏息寄奉啟東造橋梁修道路一切

義舉之需歷費金數萬茲綜會肆存子母得三萬緡啟東命納其半置田七百五十餘畝析畝半爲一號編諸冊計號五百有奇族之聚者半千口其貧不能自贍者人給一號許種不許售生齒添則計口增授病沒及女出嫁則按號收回以其餘田租入儲備青黃不接時貸穀接濟歉歲公賦代輸之勿報災擇族之老成殷厚者至其計以時出納焉盜賣者追繳溺女嬰者罪諸官并追同室田游惰荒廢者罷莫給事既具啟東以所議條規陳牒請予立案垂久並乞爲文以記曰此吾母氏志也余矍然起敬曰有是故善愈大而澤愈遠乎今夫世

槐卿遺藁

卷六

雜著

六

之擁田園私妻子席豐履厚而族之人饑寒轉徙曾不一動其心者無足算已其或尺布斗粟偶一施捨沾沾然有德色雖士大夫且不免啟東置產不逾中人列名不過上舍敝衣菲食自奉極儉牽車服賈寄迹闖闖非有三公之位萬鍾之祿也又非喜聲譽尙慷慨有所希冀激迫而爲之也利人濟物事事行其心之所安而其設施又復規模宏遠如此此不特今人所難卽求之古人自文正公而外亦豈多覯也哉後之人循其條約而永守焉戶盡服田人知力穡無曠土無游民矣生女者弗敢棄幼孩無夭札矣荒歉足以濟

國課足以供無缺匱之虞無催呼之擾矣舉一善而衆善備焉又不知視文正公之義田其規模異同何如也啟東力承母志而其嗣君又能善成啟東之志數十年如一日詩曰孝子不匱永錫爾類亶其然乎

聖天子嘉惠元元激揚義行樂善好施者例得聞於朝敘秩旌閭啟東生平不求榮不望報且不居名譽余弗敢援引強飾也爲申牒於郡批示以垂久遠並書其實以記之

敏果齋叢書鄉守外編節要合刻序

團練之法卽古者寓兵於農守望相助之義我

槐卿遺藁

卷六

雜著

七

聖朝統一寰區承平日久民皆安居不知兵革昨者粵西逆賊竄擾湖南逼近江西邊界各大憲思患豫防勸諭團練並先後札發敏果齋叢書及鄉守外編節要飭令各州縣體驗情形悉心籌辦衍慶承乏鄱陽職司守土查保甲選壯勇製器械逐日訓練以期有備無患近聞逆匪節經大兵痛剿紛紛四竄湖北戒嚴九江與湖北連界爲楚皖門戶而饒州與九江唇齒相依備禦保衛之策不容稍緩因將二書并各憲示諭合刊頒發鄉村遵照籌備以固吾圉士民等深明大義務各情殷敵愾誼切同仇保護身家卽所以仰答

君國其如何因地制宜之處二書中已詳載之惟在實心實力衆志成城俾賊匪無侵越之隙地方有磐石之安是則官民之厚幸也矣

劉惕庵文跋

人莫不有自然之良知擴而充之達乎四海否則欲善其身而不足陽明先生論學以致良知爲主實與紫陽因其已知之理而益窮之之說初無二義末流好爲異同徒滋口實鄙陽劉惕庵明經推闡陽明之學而要不可背乎朱子與斷斷存門戶之見迥殊可謂善學陽明者矣今

柳卿遺藁

卷六

雜著

八

上御極初元以正人心厚風俗爲本務首崇

御纂性理精義頌刻

聖諭廣訓兩江制府陸公檄各州縣選舉品正學醇文生赴鄉宣講於是鄙邑紳耆僉舉惕庵應選周歷鄉村實心講解勤勤懇懇始終無倦有餉以一絲一粟者嚴詞謝絕數月之間風氣居然一變視他邑較著成效嗚呼得人則事治豈不信哉而要非惕庵平昔致力於學之深曷易使人信服若此惕庵夙有山水癖故其游覽

諸篇風神駘宕似柳柳州而言理之文亦無講學家習

障其他作類皆暢茂條達蓋學人卽文人也余承乏數

載獲與邦之賢士大夫游而承流宣化不致貽譏具文者得惕庵之力居多因讀其文而樂爲之跋

代大父壽霞峯先生八十序

士君子之處世也必卓然立其大者觀其家庭之間審其骨肉之際而其人可知矣然而庸行難能躬行實踐之君子不多覲也老友霞峯少與予同學自其家世微時從尊人游卽矚然自別若蓮之出污泥而不染長習舉子業不沾沾於帖括務研究經史旁通諸子百家悉心搜討手錄而丹黃之尤工行草書得鍾張遺意壯游京都以一諸生名動公卿間爭延爲經師務伸其志不

槐卿遺藁

卷六

雜著

九

稍詘焉隨俗中年遷鳩茲與游皆知名士旋舍去返故里益耽圖書花竹泉石閉戶自娛庭以內無纖塵晨興盥漱畢必手滌几席筆硯盃孟之屬至老不衰入其座者凜然思湯盤之遺訓焉性嚴正見人有過面斥不少假借里中少長咸敬憚之然遇有片善微長津津延譽不啻若自其口出急人之急推食解衣所弗吝其好善樂施之誠有如飢渴然吾所重於霞峯者不在此蓋嘗自其大者觀之生有至性侍所生疾篤號顙呼天髮膚不敢私有古孝子之所難言者年未四十喪偶終身不

娶同懷弟七人友愛雍睦門庭無間言今夫士平居高

談仁孝宜若天倫事無一不盡者而究之本原之此言
之易行之難賢豪之徒往往不免有遺憾以觀霞峯父
子夫婦兄弟之際第率其性之所固然初無待於勉強
驟而觀之無所爲異者而要其極雖古所稱郭巨之孝
伯鸞之義楊延壽昆弟之友恭舉無以加也嗚呼其亦
可以風矣霞峯與予相知以來遇事互相砥礪數十年
如一日今年八十矣聰明強固面有嬰色猶肫然以濟
貧勸善爲念性不善治生產嗣君四人今存者二咸牽
車洗腆孝養無方孫曾輩四世繞膝克守素風足徵多
福之來方興而未有艾也嘉平九日爲老友介壽之辰
槐卿遺藁

卷六

雜著

十

豫謝絕賓客之稱觴者予則何能已於言爰序其梗概
以示當世之君子無溢詞焉

代大父壽文堅先生七十序

嘗讀易至二人同心其利斷金之詞而不禁掩卷三嘆
也曰此其道不外一誠而已誠之所通勢利不能屈久
暫不能逾禍福成敗不能惑如是而後可以爲同心第
泥形迹以求之則末也老友文堅與予相知數十年矣
少而同學講習壯而涉歷世務無在不推心置腹互相
攻錯殆古之切切偲偲者顧予性卞急嫉惡過嚴往往
以剛招尤文堅則與世無忤與人無爭雖素所憎者必

婉容相待人多樂其藹然可親此持己之和平與激厲不同予性疏於修邊幅於人世瑣屑之故多不經意文堅則酬應往來繁簡得宜而曲折周到能使見者各愜其意以去此處世之精密與濶畧不同予性好傾肝胆談論侃侃少所避忌文堅則謹默自持不輕出諸口事必再三審其利弊故生平舉動鮮有駭聽匪惟智能自全亦其才有甚優者此任事之沉潛與慤直又不同予性不治家人生產暇卽終日危坐文堅則量入爲出開源節流家不素封而常足自給陶靖節所謂聊欲絃歌以爲三徑之資與世俗之持籌握算齷齪作守錢虜者

槐卿遺藁

卷六

雜著

十一

大相逕庭此變通與迂拙之不同然往者予忝任族中事遇大義在所必爭當約諸人正色而維持之中間風波起滅烟雲變幻者十餘年時亡友寶臣赴義最爲激切惜不久謝世去惟文堅暨予弟亨衢實相助終始其事當夫危疑震撼之交困心衡慮之會迂笑者阻撓者勢迫而利誘之者千方百計而文堅毅然克守初志蒙犯霜露所弗恤蓋以予之才之不敏其經畫籌度隨機應變常賴文堅之力居多嗟乎士居恆意氣相許指天日相盟誓幾於死生可託一旦臨小利害僅毫髮比望望焉去之甚且盡反其平昔之所約甘受唾棄而不顧

者比比然也聞文堅之風其亦可以少愧矣文堅少孤得從伯說巖先生教讀兼爲經理家政伯卒後文堅撫諸孀媳一姪弱孫三合爨而食并屋而居成人俱爲之授室復析己產與之是真能篤於義者至若取與之間一介不苟事所生克孝濟困恤貧無德色蓋大節尤多可取而予所極不忘懷者以二人相知數十年如一日素性旣不能強爲同獨於大義所在挺身相赴不以常變而易率能相與以有成如此此無他一本於誠而不息不息則久子輿子曰至誠而不動者未之有也然則交友如文堅庶無愧易之所云同心者乎文堅體素羸

槐卿遺藁

卷六 雜著

三

多疾病同輩常竊憂之顧善於衛生能以人奪天今居然七十矣貌反加豐精神益形矍鑠嗣君仲衡孝友克家早歲食餼上庠孫頭角嶄然定非池中物知天之所以福吾文堅者正未有艾而予自顧忽忽衰髦謝絕世事足不出戶庭族中風氣近復江河日下安得同心之士起而共挽之是所重望於後來者因於老友覽揆之辰搦管敘其大畧如此

烈山五旬初度序

天之生物也以有用於世者爲貴布帛菽粟不敵珠玉之華而養生之具以之根楔構榦無當棟梁之選而大

厦之成以之爲其適於用故也物無所用則爲棄物人無所用則爲廢人甘於廢棄則爲虛生虛生之物雖完不如朽也虛生之人雖壽不如夭也若吾烈山者其思有用於世者乎烈山少跌宕有英氣弱冠應試學使白小山先生命坐公案側拈題面試烈山據席吟哦意氣自如文成甚賞之遂補博士弟子員讀書學陶淵明不求甚解爲文奮筆直書務如其意之所欲言而止不斤斤於繩墨法度之間間爲詩律亦然方其操觚習舉業時耳食者流動以科名相期而烈山夷然若不暇計獨高瞻遠矚畱心當世之務旣不得志於有司遂小試其

槐卿遺藁

卷六

雜著

三

端於鄉曲之間爲人排難解紛汲汲若恐後有以事見譏者雖瑣屑必應日或再三至不以爲煩以故人爭就之烈山自視亦惟恐飽食終日無所事於人致有髀肉復生之嘆性嗜飲微醺後抵掌縱談旁若無人聽者爲之傾耳與人接和光同塵幾幾有柳下惠之風同懷昆季七頗稱雍睦蓋非逐於外而薄於內者比今年五十矣豪邁之氣時復撲人眉宇同人於其覽揆之辰聚而觴之有執爵而言者曰積善之家必有餘慶烈山承其尊人遺業恂恂然克守素風忠厚之報不在其身必於其子孫又酌而祝曰小用者大用之機也願烈山勉其

所已能而勤思乎其所未能將見明月之珠夜光之璧
不虞其闇投而榱桷杞梓之材大匠且日過而問焉豈
徒區區名不出閭巷已哉因迭次勸進數觥遂以爲烈
山壽

祭鄱湖神文

道光二十九年六月十三日

維年月日饒州府知府胡正仁鄱陽縣知縣沈衍慶等
謹以羊一豕一致祭於鄱湖之神曰維天陰隲下民相
協厥居昨歲饒民大困於水凋敝餘生元氣未復今茲
淫雨水迺益甚壞田疇房屋墳墓無算十數萬生靈罔
不蕩析離居呼籲無地某等奉

槐卿遺藁

卷六

雜著

十四

天子命守此土牧此民弗克修明政事感召祥和致上
干天譴降此奇災夙夜痛心疾首寢食不安亦既率屬
竭力從事冀補救於萬一乃連日天氣晴明積潦曾不
少減闔境憂惶莫知所措夫水旱癘疫之灾山川之神
實主之雖幽明分職各有專司而仁民愛物之心神人
同此一理知神亦不忍視斯民胥溺漠然無所動於中
也某等謹蠲潔虔禱爲民請命惟神鑒而默相之俾水
速歸其壑土早返其宅仰體上天好生之德與

聖天子子惠元元之至意不勝幸甚否則守令不職殃
及其身勿使無辜小民久罹荼毒以傷天和謹瀝哀忱

無任迫切之至尙饗

祭石瑤辰司馬文

己亥冬

嗚呼天道之渺茫難憑兮孰得而測其故也何來去之
分明兮竟先知之有素也維公洵當代之完人兮實誕
生於西晉始餐苜蓿之盤兮旋占芙蓉之鏡遂分符於
江右兮扇四竟之仁風頌召父而歌杜母兮遍父老與
兒童大吏薦其循良兮動

九重之顏色駕五馬之翩翩兮向虔州而篆攝既平反
乎庶獄兮尤教化之必先虎渡河而蝗遠避兮九屬期
永戴乎二天忽豫知玉樓之赴召兮來空中之旗鶴遽

槐卿遺藁

卷六

雜著

五

撒手而長往兮不啻頽泰山而壞梁木生爲名宦而沒
爲明神兮天人之理固相因然而萱堂老而蘭枝弱兮
九京想亦爲之酸辛更驚鸞鏡之悲沉兮誓偕死以靡
他實非常之慘痛兮仰蒼蒼而喚奈何維公政績將昭
乎史冊兮豈徒奉祀徧於桐鄉况衍慶舊屬之末吏兮
愈瞻典型而難忘感知己之難再兮慨身世之悠悠蹈
風波之不測兮將寶筏兮焉求時因公被議思恩義而長慟
兮言有盡而情靡窮冀神靈之默相兮陳哀音而起悲
風尙饗

祭胞叔祖亨衢公文

嗚呼天其厭棄小子衍慶不欲佑吾宗耶何奪吾叔祖之遠耶叔祖於吾祖昆弟行序以季自先曾祖棄世伯祖暨三叔祖相繼謝存者惟吾祖及叔祖叔祖生平宗族稱孝鄉黨稱弟內外無間言衍慶生晚不及見吾叔祖之事親猶及見吾叔祖之事兄吾祖性卞急論事不合往往疾怒聲色俱厲叔祖必斂容屏氣俟怒霽徐徐婉白或竟引謝從不爭辨一言見者以爲偶然耳已而常然至老未嘗不然起居出入盡禮有加蓋舉一端而餘可知觀其事兄而事親愈可知愛諸子如子撫諸孫如孫一堂之內藹藹如也性和而介與物無忤與人無

槐卿遺藁

卷六

雜著

六

爭而大義所在正氣凜然千駟萬鍾弗能餌威武弗能屈所謂仁者必有勇歟恬淡寡營一介不取諸人勞不坐乘食無兼味終身未嘗畜婢僕一敝裘三十年然濟困周貧解衣推食弗吝亦無德色有義舉尤先赴且必勸人共成之其自奉儉約如彼而樂善好施又如此弱冠補博士弟子員後卽課徒授經數十年間髦士英俊濟濟雲起大半受業門墻者也詩文清雋耐人尋味試輒列前茅而淡於進取故僅以諸生終真書擅美鍾王蠅頭小楷得者什襲珍藏焉於諸姪孫中尤愛衍慶髫年期以遠到恆與吾祖吾父輪流督課俾少時讀書寒

暑風雨得無間者以此迨衍慶通籍筮仕江右順道歸省則色喜謂吾祖曰孫能亢宗不負吾期許矣又諭之曰廉吏不易爲而未始不可爲勉之手錄折獄格言命懸座右遂服官兢兢奉循罔敢忽嗣吾父吾祖先後見背衍慶起服出山諸事一稟承叔祖嘗手諭曰汝居官清正可喜惟清不可流於刻又曰事上當素位而行諷固毋庸而傲亦不可長又曰儉以養廉服飾不宜華美凡所指示皆切中病痛之言計數年來祖訓庭訓杳乎不聞猶幸有叔祖得以瞻依提撕誥誠字字諳摯藉免隕越何圖今日叔祖又忽焉長逝耶而今而後提撕而

槐卿遺藁

卷六 雜箸

七

誥誠者誰耶嗚呼哀哉去歲曾寄朱提敬奉甘旨叔祖輒止之曰余無需此且汝亦非有餘也汝作吏有聲光余多矣藏經數十篋書賈重價索不許而減值以貽衍慶前稟奉迎來署辭曰余習於寒素憚官衙應酬且來往舟車多費恐累汝也今年三月初二日震弟奉祖母命來江省視出叔祖手函曰余去冬以來與病爲緣咳嗽月數作如春暖不減恐大數亦有限也余復何求哉冀汝潔己奉公以實心行實政而已嗚呼言猶在耳曾未逾再旬而家書續來驚悉叔祖已於三月七日去世矣嗚呼哀哉死生大矣豈叔祖竟已前知耶震弟云弟

來時叔祖咳嗽已愈何竟以此而速殞耶抑別有疾而
至斯耶大叔霽以去秋病歿西河之悲吾叔祖強自節
抑二叔燃方在署助理叔祖嚴諭不許遽歸坤生弟依
膝下尙稚幼未知叔祖屬纊之時何以爲情而衍慶以
區區薄宦羈繫天涯致使斂不及撫棺窆不及送穴於
吾父於吾祖於吾叔祖均抱此無涯之戚寤寐思之其
尙可一刻自安耶宦海升沉原無可戀而堂上重慈又
不能不藉祿養惟提撕誥誠復有何人以不肖之躬能
保終免於隕越否耶即使祖宗默佑前途坦平而吾叔
祖與吾祖吾父皆不及親見之抑又何解於風木之悲
槐卿遺藁

卷六

雜箸

七

耶叔祖家事自當存問如常毋以爲念叔祖以明歲壽
晉古稀衍慶擬製錦寄祝以伸忱私何意忽易頌禱爲
哭泣耶嗚呼哀哉燃叔聞訃星馳奔喪行履迫於公務
匆匆不及作書茲乃灑淚和墨追敘音容命震弟抵里
時代展祭莫敬告叔祖之靈千里睽隔幽明路殊叔祖
其聞也耶其不聞也耶嗚呼哀哉尙饗

祭李肖韓姻丈文

嗚呼哀哉君竟死矣往古來今孰不有死如君之死莫
測其理與君論交雷陳古誼君之渭陽說項尤摯旣附
葭莖倍散聲氣憶君壯歲設帳鄰村我時舞勺喜迓高

軒春風入座每挹餘溫逐隊文場一彈再鼓秋浦晴雲
秣陵夜雨驥尾攀隨龍門容與我忝通籍來仕豫章時
我大父顧慮周詳惟君是託殷勤相將捧檄之初實維
漱水剪刈荆榛修飭簞簋我寄腹心君聯臂指中罹多
故茹苦含辛麻衣泣血輦帶禿身君每相慰朝夕彌親
已而浦復還珠鳧仍飛鳥權篆真除量移繁劇君無不
偕帷幄籌畫繫君之才豈惟筦庫微瑕必攻寸金能鑄
難合易離落落有素君之臨財所得毋苟會計出納錢
刀雜糅弊絕攫金硜硜自守君之處世太分黑白固屬
精明無傷盛德但有周旋而無谿刻我叨剡牘入覲京
都君亦旋里返哺慈烏身雖未偕神則與俱回任芝陽
邀君再出薑桂彌辛蘭臭愈密謂予不信有如皦日何
圖此會厄閏黃楊何圖此夕厯劫紅羊二豎爲虐倏入
膏盲膏盲之疾數或莫逃所悲鵲血忽濺青袍豈其視
死竟如鴻毛謂是今生奚宜橫禍謂是前生孰知因果
蒼蒼者天其理則那君有老母白髮倚閭君有妻孥聆
斷音書悲風四起血下霑裾嗚呼哀哉一棺長閉萬事
都非秋日蕭索浮雲亂飛人生到此天道幾希君性善
疑病根在此百轉千迴柔腸斷矣內魔忽縈外魔斯起
生本聰明汲仍正直可質鬼神可盟金石九原有知一

空幻惑回思廿載交誼難忘西州增慟泉路茫茫滴淚
抒情奠君一觴嗚呼哀哉伏維尙饗

祭先大父文 壬寅

嗚呼痛哉天何奪吾祖父之速耶豈不欲憇遺一老以
啟迪後嗣耶抑衍慶兄弟等不孝罪積厥躬不自隕滅
而延及先人耶天耶人耶奈之何耶祖父一生光明磊
落成效實迹照耀人耳目間者不勝數無俟贅述第就
家常瑣屑不孝衍慶依依膝下以來親承休光約畧追
憶之而不禁聲淚交迸也憶衍慶周晬後牙牙學語稍
識之無祖父色喜諭先父辭遠村館就前堂設帳祖父

槐卿遺藁

卷六 雜著

手錄三字經唐詩諸卷授讀四五歲時稍解字義祖父
逐日爲講陰騭文圖註欲使通字說兼學善果也祖父
經理族中大小諸務旁午特甚飯後燈前猶必課背所
讀書暇輒令諸孫隨侍舉古今人物成敗得失忠臣烈
士仁人孝子可歌可泣之事一一稱述而嘉嘆之且諭
不孝衍慶曰汝他日成名必以此爲法稍長學作文字
卽令同榻睡解衣時口授一題命枕上構思背誦訖方
許安寢并歷舉先正讀書作文法程以訓蓋衍慶未授
室以前寢夢之間未嘗一夕不聞提命自髫年入學迄
登賢書提南宮而祖父之督課周詳如一日也嗚呼痛

哉此景恍若目前而今而後雖馨歎如存而音容已渺
誰爲之提撕耶嗚呼痛哉丙申衍慶除官江右順道歸
省祖父書一聯曰人於方寸存清白官在朝廷任去畱
十四字命懸座右衍慶凜誌之弗敢忘迨宰興邑邑人
士感祖父貽謀之善咸登堂製錦稱觴遙祝蓋以衍慶
之謏劣庸愚如此猶得藉餘蔭以免罪於士民豈非以
我祖父之一言其浹人肌膚治人骨髓有使人不能自
己者耶嗚呼痛哉自衍慶之僥倖登第一時媼族戚里
咸趨奔權賀稱爲積善之報而祖父視之固有初不以
爲竒自衍慶之捧檄承乏稍得升斗之奉人爭爲太封

槐卿遺藁

卷六

雜著

三

翁稱羨而祖父履之若素初不以爲榮自衍慶之因公
被議屢經嶮巇旁觀者咸惴惴懼禍不測而祖父處之
泰然初不以爲戚蓋天懷澹定卓越尋常靜之德壽之
徵方謂上壽期頤未可限量而孰知纔屆杖朝一旦溘
然長逝耶嗚呼痛哉縱吾祖父平日達觀委化來去毫
無繫戀而不孝兄弟等究何以爲情耶嗚呼痛哉前歲
衍慶奔先父喪回籍跪請祖父安慟哭失聲祖父摩頂
爲之泣下衍慶覩述在官瑣事每欣然首肯諸友鄰以
衍慶久別招畱夜話至更深祖父必遣人促歸蓋顧惜
之情義方之訓視孩提時無以異也嗚呼痛哉去夏衍

慶服闋例應入都適祖父抱恙不敢遠離晨昏依戀兩
月有餘祖父小愈屢迫促起程聲爲之疾衍慶不得已
勉強束裝抵都後每夜寢不安神心知不祥匆匆料理
出京抵家前一日始得確耗嗚呼痛哉早知如此悔不
遲遲請咨致使數月間竟永訣尊顏耶衍慶生不能親
奉養病不能侍湯藥沒不能視飯含於吾父如是於吾
祖父又復如是何以爲人子何以爲人孫本圖區區一
官爲祿養計反因此長違色笑致抱終天之恨重不孝
之罪尙何言哉尙何言哉祖父素性儉樸視人世榮利
若浮雲做裘布襪不改初服衍慶前在江右三年惟諭
槐卯遺奠

卷六

雜著

三

令市薑芽數掬寄回而已今而後雖祭陳五鼎封榮三
代尙何補於生前缺陷之萬一耶惟是祖母今年七十
有五多愁善病冀吾祖父有以默佑之諸孫中如衍慶
之負罪無窮已不足惜而洪慶兄暨震求二弟尙碌碌
無成冀吾祖父有以默啟之明知色笑難追杳如天上
或者九京有靈庶幾夢寐間想像親見依稀生前含飴
撫弄時也嗚呼哀哉嗚呼哀哉尙饗

祭先兄步齋嫂李孺人文

嗚呼死生大矣豈不痛哉雙雙泉路冥冥夜臺視之如
歸何用徘徊臨危不亂巾幗奇材吾兄少日服賈遠方

蹉跎生計襍被還鄉悲含風木變起糟糠鸞膠再續鴻
案相莊嫂歸吾兄年僅十六貞靜幽嫻柔嘉婉淑敬事
重慈孝道能曲三載茹荼毫無怨讟吾兄前歲二豎爲
殃嫂侍疾謹藥必親嘗家門咫尺萬種滄桑麻衣飲泣
血淚淋漓兄之沒後嫂誓必死早盟諸心未宣諸齒仍
供羹湯仍親針黹匝月之間嗚呼已矣誰謂鳩毒甘之
若蜜面不改容冰玉其骨周身殮裳親縫密密就義從
容古之豪傑吾兄九京相視而笑家有烈婦門楣增耀
爲請諸

朝綽楔待詔庶幾貞珉永標嶺嶠哀哉尙饗

槐卿遺藁

卷六 雜箸

三

槐卿遺橐埵錄

咸豐三年八月二十九日 上諭

前江西撫憲續奏殉難諸員優卹摺

咸豐三年十二月二十五日吏部奏摺

贈觀答沈公傳

蔣子檢 矩亭

書沈槐卿觀答傳後

劉 繹 詹巖

贈觀答沈君家傳

陳 蘭 陔南

槐卿沈君死事紀畧

夏 燮 謙甫

沈鄱陽逸事

前 人

附錄卍詩並同人輓章

槐卿遺橐

附錄

前

埵錄二忠祠楹聯

外埵李大令死事紀略

咸豐三年八月二十九日內閣奉

上諭張芾奏查明賊匪攻陷府城知縣力戰遇害請飭
部分別議卹一摺逆匪竄擾江西饒州府城經該
府胡正仁督同帶勇回郡之同知銜鄱陽縣知縣
沈衍慶並助勦之樂平縣知縣李仁元奮勇迎擊
殺賊無數沈衍慶並手刃黃衣長髮賊目李仁元
亦擊斃長髮賊數名因衆寡不敵先後捐軀深堪
憫惻沈衍慶李仁元均着該部從優議卹建祠致
祀以慰忠魂至賊擾及樂平縣該縣李仁元之家
屬或罵賊被戕或殉難自盡閤門忠烈尤屬可憫
李仁元並著於樂平縣建立專祠該縣之父李予
墀母李陳氏及妻李金氏弟李誠元妹三人並妾
李楊氏及使女僕婦等均著附入專祠以昭忠節
該部知道欽此

前江西撫憲續奏殉難諸員優卹摺

江西巡撫臣張芾奏爲查明忠烈尤著文武各員
仰懇

天恩以彰臣節事竊照軍興以來凡死事之臣無不渥
荷

恩施優予卹典近復奉

諭旨粵匪竄擾以來地方文武官員或守城殉節或臨
陣捐軀業經立沛恩施交部分別議卹並將被害
較烈各員命於各該處建立專祠忠義之氣允堪
振起懦頑褒卹之典仍宜特從優厚着該部詳查
已經給予卹典者再行分別酌議加贈予諡或入
昭忠祠其家屬殉難者應如何優卹之處一併酌
核具奏等因仰見

聖天子勵節褒忠有加無已之至本年江西各屬被逆
匪竄擾又吉安府屬土匪乘機猖獗在事文武員
弁捐軀殉難者俱經臣隨時奏請

賜卹在案惟部議尙未接到不知曾否已奉

恩旨臣仰體

皇上教忠之意復加察核以總兵馬濟美知府王本楮

知縣沈衍慶李仁元尤爲忠烈應再籲懇

天恩以彰臣節方賊之撲營也九江總兵馬濟美營盤

緊靠永和門城下卽帶兵奮勇迎敵遇仗被戕兵

敗退經臣督調各兵策應復得轉敗爲勝若非馬

濟美竭力抵禦鏖戰一時之久則營盤一失雖有

援兵必致措手不及是馬濟美之功不小其死甚

可惜也吉安府知府王本梧防勦土匪捍禦危城

勇往捐軀郡城賴以保全其功亦不可沒鄱陽縣

知縣沈衍慶本係卓異明保之員先已管帶練勇

來省馬濟美陣亡之日沈衍慶身在行間策應有

功卽在應保之列臣恐賊竄饒州復令其回任防



三

堵乃以水濶兵單城垣傾圮與樂平縣知縣李仁

元禦賊巷戰同時被害李仁元全家殉難尤爲可

慘以上四員其忠義之凜凜猶生臣每一念及未

嘗不潸然淚下查例載總兵陣亡加贈三級廕子

弟一人以都司推用又載陣亡總兵給騎都尉襲

次完時給與恩騎尉世襲罔替等語近年總兵陣

亡多有蒙

恩賞加提督銜並蒙

賜諡者今該總兵馬濟美係二品大員應否

賜諡加銜並於江西省城及該總兵原籍建立專祠臣

未敢妄擬惟查馬濟美之祖馬立成由千總出師四川被戕部議給予雲騎尉馬濟美之父馬文雄由雲騎尉勦辦臨安夷匪陣亡部議給予雲騎尉仍將兩代之雲騎尉并爲一騎都尉馬濟美承襲騎都尉洵升總兵祖孫父子效命疆場此次應得世職可否准其分襲抑或給予罔替以示優異之處伏候

聖裁又查知府陣亡者贈太僕寺卿同知贈道銜知縣贈知府銜等語今吉安府知府王本梧已奉

賞加道銜可否照例再加太僕寺卿銜同知銜鄱陽縣

四

知縣沈衍慶可否

賞加道銜樂平縣知縣李仁元可否

賞加知府銜該三員力戰捐軀實文員中所罕見可否

邀

恩一併予諡出自

鴻慈臣爲獎勵忠義起見是否有當理合恭摺具奏伏

乞

皇上聖鑒訓示謹

奏

吏部謹奏爲遵

旨議奏事咸豐三年九月二十一日奉

上諭自粵匪竄擾以來地方文武官員或守城殉難或
臨陣捐軀及紳士人等志切同仇盡忠效死者著
該部詳細查明已給予卹典者再行分別酌議加
贈予謚等因欽此查官員陣亡例載二品三品官
議給騎都尉世職四品以下未入流以上議給雲
騎尉世職襲次完時均給予恩騎尉世襲罔替等
語除

特旨追贈並指項賜卹及例得從優各員毋庸再行核
議外其奉

五

旨從優人員有限於例而不能越級辦理者擬比照沒
於王事官員贈銜之例各按官階議給世職外再
行給予贈銜應得卹賞祭葬銀兩移咨禮兵工各
部照例辦理應得贈銜

詔命移會內閣撰給等因於咸豐三年十二月二十五
日奏本日奉

旨依議欽此

計開

同知銜鄱陽縣知縣沈衍慶擬加贈道銜議給雲

騎尉世職襲次完時給予恩騎尉世襲罔替

鄱陽縣知縣沈衍慶於咸豐三年七月十四日城陷陣亡五年十一月內奉准戶部咨給全葬銀一百兩致祭銀八兩照章入祀陣亡地方城昭忠祠並奉准吏部咨擬加贈道銜其應得卹賞照千總例發給銀一百五十兩給該故員之子安徽池州府石埭縣儒童沈芝修具領並詳咨安徽撫院查照在案

贈觀瞻沈公傳

公諱衍慶字子符槐卿其號也降生時大父夢大風雷
覺後猶聞空中甲馬聲幼而岐嶷兩歲餘大父以書附
耳教之讀卽能成誦公生而曠當時有神童之目七歲
學爲文十三入郡庠十九登賢書二十成進士以知縣
官江右其平居讀史遇忠烈事恒嘖嘖稱羨嘗對余曰
我將來定死於沙場以馬革裹屍爲幸二十一歲篆興
國時徒步赴鄉詢民疾苦從善若流疾惡如仇不踰年
官民如父子未幾以微過去官開復授泰和循聲大著
調鄱陽鄱陽濱大湖多水患公兩次捍禦其補救之方

七

移步換形不泥古而自合乎古湖多盜公下車卽親訊
漁戶編名冊不半年而盜絕跡咸曰沈老子境內勿犯
由是民無不以沈老子稱之嗣蒙中丞保薦並陳明耳
疾入

覲時


上曰卿耳如此何以聽訟以小兒對簿近猶可審上奏
衆以微員得荷

九重垂詢一時傳爲盛事南旋後仍官鄱陽未幾而粵
逆之亂作流毒甚熾由江南竄江西圍犯省垣中丞以
公有韜鈴檄調來省公間命馳赴率練勇數百人爭先

出敵賊衆披靡賊偵知之遂竄鄱陽時樂平令李公仁
元兼署鄱邑公以守土官馳回應援以計燒燬賊船數
十與李公擐甲佩刀分力戰守值雨多湖漲賊船螿聚
乃擇高阜處率官弁施放火礮賊衆紛紛落水復繞道
登岸公又率衆往禦手斃衣黃褂者四人勢少戢無何
大雨如注礮然不發賊蜂擁至一時衆寡莫敵衆皆却
隨者僅數人公身帶重傷聞李公被圍猶力疾陷陣與
李公先後殉節屍卧沙場忽來一練勇負之而走藏於
民屋時七月十四日也踰旬賊退親族爲之棺斂血肉
已乾面如生並無蠅蚋忠義所感神明應呵護焉嗟乎

公平時恂恂儒雅一旦臨大敵身先士卒忠勇之氣莫
之敢撓卽求之古將帥中亦所罕覩况文臣乎賊未至
時公以祔服鈐印書名以示必死並自撰聯曰四十年
讀書二十年服官取義成仁要擔起綱常兩字進難爲
力戰退難爲固守孤忠效死愁對茲章貢雙流嗚呼其
忠烈之概更可見矣憶公平居孝友慷慨知大節其文
章政事咸卓絕一時著有治書六冊詩詞古文皆可傳
余交公久知最深乃爲之傳且係以贊曰先生之德先
生之澤先生之忠光垂史冊千秋著作兩字綱常芝嶠
蒼蒼湖水湯湯斯人偉矣山高水長知州銜署江西新

昌縣知縣蔣予檢謹撰



九

書沈槐卿觀督傳後

癸丑夏秋之交粵賊進逼江西郡縣之濱江湖者靡不
殘破土匪繼起泰和雖旋並收復而守土官臨陣死難
惟吉安王太守與饒州三縣令而已三令之死又以鄱
陽沈公爲最勇公治鄱禦災捍患素有聲及賊圍省城
奉檄調赴軍營所練勇數百人禦賊屢有功城中方倚
重之繼聞賊竄饒郡時兼攝鄱篆已有樂平李公在縣
然公竟率勇行旣至與李公互籌戰守之策力竭皆死
焉余初聞蔣矩亭大令述其事同爲詩哭之而未得其
死事之詳旣而見其所作傳不禁爲之反覆歔歔流涕

十

也自賊蠢動粵西已近二年楚漢江淮蹂躪殆半非賊
之果能猖獗至是良由守土官平日旣無思患之防寇
至則託故而逃而諸領兵將弁又皆聞風畏葸推諉不
前使賊得以長驅直入縱橫自由不有沈公諸君之死
亦奚以撐扶宇宙力挽狂瀾下勵臣節而上對

朝廷乎公臨敵自撰聯句有云取義成仁要擔起綱常
兩字壯哉此志豈但二十年服官二十年讀書公自無
負生平正使天理常存人心不死卽今逆賊聞之亦當
破膽咋舌不敢藐守令之無人者恃有此耳公之聳耳

主知然何其聽斷之神見義之勇轟轟昭昭如是殆亦
聳於耳不聳於心者也世之賸賸焉備官而未之聞者
何比比然也豈真幸趨避者巧而奮不顧身者愚哉公
在泰和四年初政民畏公而愛之去而思之人比爲鄭
子產及土匪起進犯郡城人又謂使公尙官泰和則匪
必不能生而王太守必不死然則公不徒死而又能使
民生者也嗚呼此其所以令民思歟三品卿銜翰林院
修撰年愚弟劉繹謹識

贈觀簪沈君家傳

沈君諱衍慶字槐卿石埭人道光乙未進士曾祖成美居鄉善排解世稱善人祖賡颺性剛直平日不與人競事關名教必爭之鄉中築堤修祠建水口塔皆以身任之人懷其德父作舟事繼母稱孝與弟士翔敬愛爨分復合祖父皆邑庠以覃恩贈奉政大夫君幼而穎異七歲解吟咏十三入郡庠既冠鄉會聯魁丙申補殿試授知縣分發江西道光十七年代理金谿簾缺四十二日卽有政聲十八年三月署興國縣初下車有蕭姓爭繼案已控省批府提訊矣人證將解進而語之曰案奉府

三

提縣未便訊但上府日久費多吾忝爲民牧痛癢相關甚爲惜之意欲就近一訊服則詳銷否則送府可乎兩造皆叩頭求訊判以孤子禮不爲後以無生父命之又別無應繼之人應援無子耐食之例以田租百石一半永存祭產則不繼而自不絕其一半分給周親於是一邑服其明數月間結三百餘案有土棍陳清璜鍾延奎等藉歉歲禁糧出境據河行暴客貨抽釐違者輒覆其舟商人苦之君廉得其情親督多役盡獲其黨置之法邑中訟師以人命爲奇貨旋控旋即賄和君痛懲之實究虛坐說詐以息於是一邑服其斷未期年丁外艱卹

任遠近遮道泣送之二十二年服闋九月署安義政聲
如興國二十三年七月補泰和以除暴安良興教善俗
爲己責創建龍洲書院置學田立學規暇日與諸生講
習勵以啟品凡聽訟案無留獄其俗以抗糧爲能歷年
多積欠君以理論之以德感之民皆踴躍輸將三年報
政上嘉其能移任時攀轅臥轍呼號叩留者較興國過
之二十六年以敘加同知銜四月調鄱陽鄱陽爲豫章
繁要地吳中丞文鎔欲得賢令爲之首郡王太守藩曰
有素未識面之泰和令循吏也而兼能吏可稱職旣蒞
任興利除害不留獄諸政如泰和拓芝陽書院以育合

三

郡人才規模尤壯廣育嬰堂修養濟院施藥餌散棉襖
以恤生者給棺木置義塚以哀死者鄱湖素稱盜藪爲
舟行畏途君添置巡船派健役梭織其中屢獲巨盜嚴
治之水路肅然鄱民吳春妻爲五通所憑歌哭嬉笑無
常有巫迎木偶至其家驅五通去遠近傳爲靈異節以
錦袍峩幘乘輿遊街鼓吹喧闐男女膜拜君諭禁不止
乃鎖木偶杖之付之烈焰二十八年水水民盡巢居呼
號求救聲震林谷君痛哭上聞就山阜設棚作移民計
捐廉作餅餌分乘小艇散之城中施粥賑帑下同素所
親信人按戶造冊逐卯給領無濫無漏數月中衣不暇

澣食不忍飽衝波冒險無停息請賑至再至三不避忌諱二十九年復大水更增數尺君勘災督賑勞苦倍加全活以數十萬計三十年

上登極後下詔旁求費中丞開綬張學使芾舉應明保皆稱治行爲江西第一咸豐元年以卓異併案入

覲回鄱任萬民夾道以迎比年粵匪騷動君慨然曰上不能爲國分憂下不能爲民保命朝廷何賴此臣子乎於是傾囊爲倡勸殷富捐團練費刊鄉守備要一冊遍示居民編十家牌置器械造戰舸選丁壯而訓之日一大閱賞罰必信鄱勇遂稱最章江二年賊竄楚北奸細

十四

入境屢詰獲斬之三年正月十五日大雪訛言賊至民大駭君挾弓矢縱馬冒雪率勇出見沿河船匪數百橫掠市肆君發二矢斃二人生擒四人疾呼曰良民歸船不用命者殺無赦衆聞有生路各鳥獸散訊四人知爲糧艘水手久泊用匱欲乘機搶掠爲此謠語旣得罪狀治如律民心以安是春金陵失陷向經畧孤軍圍攻缺餉君解糧二萬石濟之五月賊寇南昌甚急張中丞札調救援六月初君率勇五百星夜赴省梯城入見密訂破賊計二十四日大破之身先士卒追至賊營殺傷無算又料賊必乘虛襲鄱陽紆道回縣君之救省也樂平

令李君仁元兼理郡邑至是君欲接象李君曰寇至我
無去理君固爭之乃復視事而李君亦畱遂同登城布
置甫一晝夜而賊至時久雨秋潮大作饒城惟西門高
無水餘皆深三四尺埤處通舟出入向之木椿塞河者
已茫無津涯矣賊帆蜂擁乘大風君親帥丁勇放大礮
破賊船沉賊數十復大雨火器無所用水濶賊船亦繞
避由上游直抵黃龍廟逼入東門君涉水迎勦殺賊十
餘名梟黃衣頭目首標之竿賊退轉由北門覓水入李
令帶樂勇截鬪君馳助未及聞李令遇害怒髮衝冠奮
擊賊益眾喊聲四起丁勇不能支君身負重傷回顧從
者僅四五人仰天大慟曰事不可爲矣何以全吾民哉
爾輩各逃命毋復顧我鑿戰死之家丁梅高熊升從殉
時七月十四日也旬日賊退家人尋獲屍所脫左腕經
酷日久曝面貌如生裏衣遍鈐鄱陽縣印卒年四十一
甲丞聞於

上奉

上諭沈衍慶李仁元均着該部從優議敘建祠致祀以
慰忠魂旋准部議加道銜給雲騎尉世職襲次完時給
恩騎尉世襲罔替賞葬祭銀一百八兩卹銀百五十兩
初之官時祖賜一聯云人於方寸存清白官在朝廷任

去留君常置之座右方往救省垣時自撰一聯云前廿
年讀書後廿年服官取義成仁要擔起綱常兩字進難
爲救援退難爲固守竭忠効死愁對茲章貢雙流君之
守死善道非素志堅定焉能如此平生篤交游重然諾
與諸兄弟同居無間言有姊幼許李氏年十六未婚守
志旋絕食死尤隱痛之事祖事父母純孝自以出謀祿
養未得送祖父終爲終天之憾歲時祭祀必泣涕迎母
在署先意承志有事出必告反必面賊擾江南婉言勸
歸不得命號泣隨之兄洪慶乃奉以反里蓋許

六

矢同殉節君以母已攜子旋里恐其累卒勸之歸子二
長芝修次棠修俱幼所著有槐卿遺藁六卷政蹟六卷
同里候選訓導姻愚弟陳蘭謹撰

槐卿沈君死事紀畧

咸豐癸丑之夏金陵粵匪回竄江右攻省不克乃挾舟師以窺湖東過康郎山連檣上濬直指饒州是時任鄱陽大令者爲吾友沈槐卿其交卸不去帶勇而助勦者則李資齋大令仁元也予時方任安仁偵探日數十輩以覘饒事之緩急七月十四日之夕漏三下予帶勇巡視北門有急足呼而入則饒郡之探報也傳言資齋格鬪而死槐卿身帶重傷自焚其儲倉待運之米策馬自北門出不知所之予聞之不禁痛哭失聲以語城守徐君曰槐卿死矣越日有傳其奔赴省會請援者徐君走

七

告予予曰不然鄱陽無可守之城人所求避而惟恐不速者槐卿係調省助勦之人一聞警報不告而回是其志在守土誓將與城存亡豈屑屑以求援爲救死地哉又數日接太守來信則已得其尸於北門深巷空宅衣帶附身印信繫臂秋暑燥烈面目如生嗚呼資齋奮不顧身而槐卿當創深迷亂之餘猶能保其遺體以求得正而斃斯則忠孝之完人而明哲之知士歟爰灑淚濡毫紀其前後盡瘁之顛末而次其畧曰君姓沈氏名衍慶號槐卿安徽石埭縣人中道光乙未進士丙申補赴

見以知縣用分發江西歷署興國安義等縣丁外艱歸山二十二年服闋明年補泰和縣越二年調補鄱陽縣二十八九年大水辦理災賑實心任事不經胥吏之手遂爲江西第一循吏時今中丞前任學政張侍郎芾考其最入之

御極明保中咸豐元年入都

召見飭回本任遂以是年夏再至鄱陽是時金田會匪方猖獗於粵西踰年攻桂林不克由粵入楚君以江右當吳楚之交賊若東下則潯陽首當之而饒郡其次也爲今日計莫急於修城乃請於太守相與捐廉倡修甫

十一

集費鳩工而楚北告陷九江戒嚴君乃議移營守康山以控制鄱湖門戶遂招募壯勇得數百人復遣人至其家簡親族中素所信識之健農得二百人以爲親兵躬自訓練不數月皆嫻步伐擊刺之節本年正月十一日有饒兵自九江逃回稱粵匪於初九日陷潯君聞之昕夕秣厲以待突上元之夜城廂喧傳賊舟泊城河下太守倉皇無計城中扶老攜幼冒風衝雪而走君策馬沿東門大街亟告曰此土匪譎言藉以驚擾居民爲劫掠地慎勿墮其計中若其賊也某請以身當之又至太守署告以九江之確探至賊已過湖口而喜事倡亂之莠

民非重懲之不可於是練勇數百人介而隨其後甫至東門外果見糧艘水手數百人聚眾鼓譟君在馬上手佩刀格殺其起事者二人匪黨懼伏城中遂定越日拘其舵頭至詰以知情庇縱狀則皆袒背受杖愿具約束水手永不滋事甘結而去君又語太守曰聞賊船蔽江東下本年漕運必不通此輩旂丁衣食無資不從賊卽爲匪耳不如因其歸罪而招集之以充練勇之隊伍苟羈擯得宜則皆成勁旅矣遂簡其驍健者得二百人皆餽稟之如義勇之數予在安仁聞其事專丁馳探比接覆函具悉其恩威並用之始末然君之以死報

九

國耿耿丹忠常流溢於楮墨間蓋君見賊船雖已越江右而東難保其不復回竄積薪厝火岌岌堪虞故其來書言一腔熱血憤懣填膺每懷鄉先生金正希吳次尾之遺風不禁拔劍欲起云云予壯其氣悲其志復以書慰藉之而君自此日勤操演夜親簿書又以其間減騶從下鄉督催新舊錢糧勸諭呈繳軍餉而土棍乘機煽誘以阻撓國賦者亦杖斃數人以警其餘於是遂無暖席安枕之日矣夏五月初四日有警報言金陵回竄之賊已抵彭澤下游中丞飛檄君帶勇堵截太守以饒郡爲腹地咽喉稟請中止至十六十七等日賊遂由南康

吳城一帶直逼省城中丞復檄君赴省助勦時君方籌辦康山扎營防禦事宜辭不欲往而中丞以饒郡城不能守康山湖面遼濶無險可憑不如弁力省垣以固根本重地又知君在郡中所募之勇訓練有方急欲倚以辦賊遂遣員持令箭飛趣之予聞而嘆曰大府殆將以饒爲颺脫也亟馳書勸其不受命而君答言救饒救省本非兩事我輩奔走奉命如子弟之衛父兄手臂之捍頭目而已不意此書藏之笥中遂爲君之絕筆也是時君已帶勇馳抵康山卽遵飭赴省聽候調遣六月二十四日賊穴章江德勝門攻城九江馬鎮軍濟美扎營在

二

永和門督兵會同城中楚軍分內外兩路堵勦君率饒郡兵勇繼之斃賊二百餘人次日馬鎮軍乘勝深入賊壘被賊矛刺墮地陣亡君率所帶兵勇鎗礮劍戟整隊而前賊始退營拒守遂搶護鎮軍尸身而回大府欲論其功君聞之曰蹶將之謂何又因以爲利某不忍也卒辭之方練勇之在康山也自以應饒郡之募不欲赴省君痛哭申率土之義且諭以到省得有勝仗卽仍回饒堵禦嗣因二十四日之役有練勇莠民倡言賞格不均且堅執康山前約首先潰散者二百餘人維時省中各營員弁見君孤軍勁勇親冒矢石嫌嫉頓生遂煽造浮

言謂君以文員而攘奪武功以外縣而越俎省會賊將懸購而甘心焉君見事勢掣肘又聞賊有竄饒之信擬乘機馳赴郡中收集潰散之練勇以固疆土遂漏夜兼程不稟大吏而去中丞聞之又遣令箭飛檄回省而君以某所帶兵勇數百人省中不見多無不見少饒郡合府署樂平之勇不滿千人不得不先其所急据情稟覆先是君之調省有疑其與中丞同年豫爲避饒之地者至是而君寧負中丞不敢棄其所守此心如揭日月矣七月十三日賊過康山距郡六十里君登芝山窺以千里鏡但見湖中勢如匹練有疑其爲賈舶者君曰聞

世

賊虜民船皆易以新帆帆皆一律洋布故其色逾白亟整隊俟之至晚則民船十號游奕於城河下巡哨之員奔過其舟但聞簫聲悠揚詢之則自康山來仍執賈舶之說以告君君曰安知非故示整暇以懈軍心者麾令開礮不逾時各舟皆游涌而逸次日清晨果見賊舟連檣至君偕太守及資齋大令先在高門扎營施放連環鎗礮沈其賊舟數隻斃賊多名而湖水泛漲賊舟四面圍繞有頃見東門火起賊皆登岸入城君卽帶兵勇首先衝擊斃賊十餘人旋見黃衣賊目執旂喊殺君登時斫之應手而踣乃令割取首級懸之高竿上資齋大令

率樂平勇繼之又斃賊十餘人卒被賊自後以長矛貫其胸而死君臂脇皆中鎗傷旋見兵勇死亡潰散相繼衆寡不敵鄱倉之漕除已撥解九江外仍存萬餘石儲備來年搭運君憤齎糧藉寇適倉內堆積柴薪爲延燒賊船之用乃縱火焚之取所割黃衣首級投之炬中遂策馬由署後直趨北門喧傳君已自北門出而君遽入深巷胡氏空宅傷重不可忍遂正命於宅中太守退入石門遣人徧覓君死處不可得迨賊竄樂平君之族人偕經歷王履興扮作土人尋至宅中見君僵卧地下神色不變猶怒目似殺賊狀倉卒間恐賊自樂平回藁裡

廿一

而掩賊旣退始以禮殯惟失其左臂束蒲而補之迨予接署鄱陽謀歸其櫬仍得其臂於原處則忠魂之呵護殆文山之示夢於髮繩也

詳後所記大令軼事中

方賊之陷九江

也君知饒郡恐不保密製白單恰徧刻鄱陽印信襲於中衣之次其後資齋大令至鄱亦仿爲之蓋恐一旦授命沙場豫爲徽幟而卒以全受全歸之軀重泉拜父首邱慰母諒不同於溝瀆死有重於泰山斯則信國衣帶之銘所謂而今而後庶幾不愧者已予與君定交始於道光辛丑時君方奉諱歸里予在青陽過從論學而君屢以少年通籍所業未成歆然不自足迨予至江右同

舟三載君出其詩文日記屬予刪定予固知君之不以
文采見而其經世之言憂時之志所謂聽其言而信其
行者卓然無慚於鄉先生金吳二老也今所詮次多其
殉難之前後事容俟軍務稍暇蒐輯君之公牘遺藁及
其居官政蹟撰爲行狀以求當代立言之君子表其埏
道藉以爲他日上史局之張本是則後死者之責也夫
咸豐三年冬月當塗夏燮謹撰

吾友槐卿大令之失其左臂也束蒲而補之予撰大令事畧比之文山之髮繩蓋以其所得者奇而其所馮者厚也予時方接署鄱陽謀歸其喪哀其樁之薄也將擇材而棺之適其太夫人遣告謂俟其首卹之日爲之易服而改斂焉禮也乃筮日歸櫬登舟解纜未及三日有奉大令之臂以獻者詢之則於其正命之頽垣下覆以瓦礫亟以示其視斂之家丁泣曰吾主之指最長又其斜痕適合是不難定也於是裝棉設櫛而歸之太夫人悲極而喜遂合而窆焉方大令殉城後降卍在省友人

黃鐵禪大令之晉入其詩於哀忠詠中讀其首句則固拳拳於一臂之失也鐵禪知其失而不意其得迨予至省乃相與印證而質之鐵禪曰昔信國不恤其身而愛其一髮劉須溪贊其像云豈其英爽猶累形軀夫德有所長形有所忘豈其一髮之微足爲信國形軀之累所以然者身體髮膚受之父母欲挈其全者而歸之也槐卿之臂其視信國之髮抑又重已招魂而歸故鄉蓋豫料太夫人之必親啟其手足則不免抱所生之忝而貽行殆之憂故其忠魂之呵護馮依於土人而後得之是則化朽腐爲神奇寄焄蒿於肝鬲非其忠孝之感烏能

有精爽以至於神明耶鐵禪曰左氏言妖言厲不如子
所述者之奇而正也予惜不得見故人之臂請記之以
定予前詠之未盡者

均祭大令文

維年月日具官某謹以清酌庶羞之奠奉遺臂而告
於大令之神曰嗚呼自古利天下者不愛頂踵臨大
節者竭以股肱故忠孝之思鵬舉涅臂而自誓憂危
所迫伯紀刺臂而陳書惟君投袂洪都追祛廣晉遇
仇戟手誓衆磨肱撩猛虎以空拳螫毒蛇而解腕射
肩夾脰亦復能軍貫肘裏創豈敢言病無如率支離

荃

而共攘嗟掎角之無援前拒却而後拒奔右手攫而
左手廢南霽雲生不遇救齧指痛心顏平原死而有
知握拳透爪於是馬援裹尸荀偃張目自謂狐邱正
首惜具體而猶微豈意象罔得珠幸全歸其無憾嗚
呼比干之心子胥之目嚴顏之頭杲卿之舌其身雖
死其血不滅化君之臂騰援上天彈鴟鸞炙應手而
顛魂兮歸來德與形全三公身後九折生前窆君之
骨不朽千年嗚呼哀哉尙饗

附錄卅詩並同人輓章

斷腕全忘半臂輕輪刀猶突陣縱橫而今未必心灰冷
任汝平常說死生

直上元都請命來游魂跌宕駕風雷肯教再墮塵中網
將就青燐聚一堆

忠孝誰能事兩全吞聲早在出山前何因落月無回照
尋向蘆花秋水邊

蔓草荒烟水拍堤滯雲寒茁紫芝齊杜鵑枝上疎疎葉
還我蒼生不再啼

曼韻 有序

丹陽黃之晉 少鐵

共

槐卿大令殉難之越月有傳其降卞四絕句或云在

省或云在鄱

張蘭江司馬言其降在鄱
邑某紳家流傳入省者

然而萇宏碧

血之藏信國丹心之照雖死之日猶生之年以公之

精靈不泯忠孝吞聲核其時事其為神降之作無疑

也頃從楊竹君少尉抄得此藁走筆和之

一肩擔重萬緣輕

君生前自輓有
擔起綱常之語

殺賊戈於馬上橫循

吏才人作忠義知君無死亦無生

會活芝陽萬命來與歌到耳爆如雷死猶威怖么磨走

救得黔黎骨幾堆

君手刃黃衣賊目七八名賊
畏之呼曰沈猴子遂引去

斷臂依然申劓全

君被賊失左
腕後竟得之

馬援屍記奪生前

馬鎮
軍濟

美陣亡適君援省遂入賊營奪其屍歸

定知青骨成神者只在東西江水

邊聞君降叶有為

桃花滿縣水平堤致命原期舉室齊天佑善人陰保護

一門眷屬莫悲啼先時賊擾九南諸郡君鑄寶劍二以

一贈閨中相要借死迨五月閒太夫人人在籍患疴累書召媳孫始皆遣歸

待養殆造物默為保護而生全之也

前人

再疊前韻有序 竹君少尉與大令同籍石埭又同官饒州相聚者七

年踪跡既親見聞尤悉予聽述遺事輒增和章昔大

令囑題芝陽散賑圖而予遲遲未果今得此詩可以

報故人之命於地下矣

七

乍聞寇警已身輕衣上斑斑血淚橫

君誓死殺賊製一白布小衣書名益

印常服之為身後識認地也

大節何須小詩輓老羞有客可憐生有

官賦詩輓君而諷及生存困之獲咎者故云然

有子攜書歸去來冥冥呵護託風雷君藏書甚富寄一門生家得不毀

歎予割愛生前捨時予奉調解任以書籍質金始得行病起猶鑽故紙堆

捨藥施衣萬命全

君在鄱邑每年費千金施給寒衣藥餌

豈徒災賑逆流

前君出門賑災時舟以大風逆水不敢行君不許甫開舟而天已反風矣至今白叟黃童

輩淚灑雙忠祠宇邊

鄱邑建祠祀君與樂平李令題曰二忠

錦鞍綵服走郊堤曾祝萱齡松柏齊君迎太夫人就養來暑時嘗盛設儀

從而自乘馬依板輿以行觀者嘖嘖稱羨今日忠魂依左右白頭含笑不須

啼

三疊前韻

一官清白去留輕遺訓終身心目橫

令祖本宿儒君赴官時手書一聯授

之曰人於方寸存清白官在朝廷任去留君懸書室中時時省覽

今日九原逢令祖喜

君忠孝死猶生

攬勝登高憶昔來座中劍氣感張雷

丁未冬君招飲滕王閣上座客如蔣

子瀟姜樟圃等皆一時名士

匆匆閣與君同劫盃酒空澆土一堆

君

節時滕閣已先焚蓋當事恐賊來踞也

玉碎原羞瓦礫全蓬瀛早悟夙生前

君有夢遊滄海圖恍惚記前生事

羨君夢醒重遊處絕勝茫茫宦海邊

君曾以鹽引滯銷予亦以刁紳捏控

其

均被摘頂今予復被撤去可愧可嘆

信傳江驛與湖堤閩帥新臨克捷齊

時間揚州廬州太平諸郡已收復兩

湖亦屢有捷音憑仗英魂全掃蕩救他赤子萬家啼

四疊前韻

前人

甲寅嘉平在省晤夏曠甫大令得讀所撰沈鄱陽殉

難紀畧又聞王窗山沈伯芸兩大令述君事甚詳因

更撫為詩料焉

節義文章判重輕喜君餘事筆縱橫

君詩文手鈔六帙同人謀為付梓

吟詩我亦窮黃九未抵東陽太瘦生

殉主都拚尸解來也隨箕尾駕雲雷愛才詎止蕭奴比

血灑青衣碧一堆家丁同死者三名梅高北口人鄒坤南昌人熊升安義人

援省援饒欲兩全奈遭竟後跋難前祇應鶴唳偕猿嘯

歸去蓬萊海水邊君感猿鶴之夢作海山圖解者謂君形似猿李樂平似鶴雙忠之數定於

鳳生矣

幾回豺虎竄城堤膽落官紳匿跡齊甲寅乙卯賊又兩陷饒郡肯受

黃巾祠下拜聞賊有拜二忠祠者夜來風雨作悲啼

鄱陽雙忠歌 山陰 王文璋 窗山

兩公作官同一州一時仗節同千秋孰云美政無與儔

沈公善斷李善謀賊兵猖獗爭上游豫章城外江雲愁

沈公急難乘輕舟一壺宛宛來中流短刀直入敗偽侯

廿

聲言分兵往復仇李公慷慨坐敵樓沈公趨救慶荒洲

勝固可解洪都憂死為厲鬼殛彼酋賊施火箭並火毬

危哉眾寡勢不侔霎時軍散如鳧鷖攫身登岸亡兜鍪

李公大呼識我不轉戰向前中數矛沈公回鬪怒不休

背賊揮刀斷其頭嗚呼白日湖心浮李公全家胥井投

沈公一子民間收賊兵飽掠不久畱兩屍臥血開雙眸

人生性命原浮漚得追張許夫何求孤臣何日尋韓歐

淋漓大筆銘厥幽天陰雨濕啼鬪釁年年父老哀江頭

哭鄱陽殉難沈李二公 長洲 孫麟趾 月坡

舊令誓殺賊新令誓守城城中水與房屋平哭聲礮聲

無時停一解 提刀出城行十里黃塵蔽天火光起從者

大呼賊至矣三百鄉勇剩無幾二解 舉刀大怒砍賊面

孤鸞怎與羣鴉戰戈矛如雪肉如泥人血馬血紅一片

三解 奸民四起開城門紛紛男女同逃奔新令殺賊被

賊殺芳名一樣垂千春四解 大吏上其事奉 旨建祠

宇披髮騎鯨來俎豆昭今古靈旗高卷陰風寒行人過

此捫碑看舊令沈衍慶新令李仁元五解

哀忠集弔鄱陽大令沈公 寶山 袁 翼 穀廉

平生馬革志難移堂上先懸自輓詞賊據九江君知必

聯懸諸 恩汝民心因貸粟鄱邑水災悉心撫卹民不流

聽事堂 功氣吞賊壘獨舉旗賊圍省城督率練勇入援殺賊數

用計燒賊 招魂猿鶴歸真夜出世風雷兆夢時君生時

船數隻 孤負未成皇甫序他年遺愛補韋碑君堂上

甲馬聲 四六駢體判讞詞於牘

尾編成二卷索爲弁言

附錄二忠祠楹聯

二十年讀書二十年服官取義成仁要擔起綱常兩字
進難爲赴援退難爲固守孤忠效死愁對茲章貢雙流
此咸豐三年五月賊撲豫章饒郡四面受敵

槐卿司馬奉調帶勇進省助勦時所作也臨別示諸
幕友慷慨激昂以死自誓迨自省聞難漏夜遄歸遂
於七月十四日與 李資齋大令同時力戰而沒

鑑

才非旱羽痛甚鍾期幸有淵明自輓之章無待炎午
生祭之請嗚呼四年九月會稽錢鑑頓首謹書

是聯已見

前因錢君記其緣起錄以弁首

卅二

爲忠臣爲循吏報國勤民原非兩事

仁不讓勇不懼舍生取義厥有同心

槐卿同年及資齋大令殉難之明年元于役鄱陽瞻

謁祠下竊惟二忠當日苟存可以無死之心必含有

甚於生之欲而得仁無怨見義必爲至其遺愛在民

則禦災捍患之勞馴至於鞠躬盡瘁而後已元同官

江右一則共蘭言於先事一則懷葭溯於伊人郢質

琴聲停雲落月口占楹句心奉瓣香咸豐四年閏七

月盛元愷庭並識

一笑事完君未老

十年人換我重來

槐卿仁弟於是爲鬼雄矣君重名節尙氣誼與予訂忘年交每共談古今忠烈事君輒奮然誦文信國少時語沒不俎豆非丈夫也而卒能踐其言以死可不爲雄哉予自浮梁縣遷吳城鎮同知別君於芝山荏冉十年以攝郡篆重來想君音容惟有祠宇感今思昔如何可言撰十四字爲楹聯君其有知尙希英鑑咸豐丁巳嶺梅馮詢并誌於芝陽郡館

一死何難須知取義成仁自古丹心垂宇宙

雙忠如在想見吞聲飲恨他年碧血滿湖山

三

槐卿資齋兩賢尹正命於鄱陽予以帶兵防堵石門自愧睢陽不義之呼常抱伯仁由我之悔茲聞二忠祠落成回憶兩大令銜鬚齒時潛然淚下而槐卿與予同官最久復締姻焉感而誌之咸豐四年仲秋月歛胡正仁並識

